

# *I SAMPY LYA KAAMBO KA IJWI*

 Wa lumbwa, Mukwesu Neville. [Mukwesu Neville wat, "Ameni."—Mul.]

Nda ambila Mukwesu Neville, "Sena masimpe tojisi bunanike buniini cifumo cino?"

<sup>2</sup> Nda kaselemuka kuzo kombela baciswa. Kwakali bantu bamwi baka bungana mukati ka ceeco nco...kuseeni maningi Munsono. Eco Nce kajata okuya, Nde elede buyo kuboola okuno ku cikombelo. Elyo Ndi—Ndi yeeya kuti ncibotu ku kombela baciswa kubusena bwa cikombelo. Ta ndizi. Nda ciyanda cikombelo, a kuboola kunselelo okuno oko mbunga, bantu okuno nkoba komba.

<sup>3</sup> Elyo kwakali musimbi muniini kusule okuya, musimbi muniini mubotu maningi, baa, Ndi yeeya kuti ulikkede abusena bumwi awa lino, ikuti na bantu teeba inka ku muunzi. Oh, Nda bona lino. Alimwi oyo ncintu cibotu maningi. Alimwi uli cisidwe kapati. Elyo twa kali kuswiilila, cindi ni twa kamvwa mulumbe wa myaambo a bupanduluzi kabuya kunembe. Elyo twali kuswiilila, alimwi twali kuyeyya kuti twa mvwisya eco cintucimwi caambwa kujatikizya musimbi muniini. Elyo tu lindila kubona na Mwami wapa mulumbe, eco cakwaamba omuya. Pele Ndi yeeya kuti musimbi muniini uli kabotu lino, alimwi uyooba kabotu. Elyo aboobo...

<sup>4</sup> Alimwi kwali mulindu oyo waka sweekelwa kukubona kwakwe, awalo, elyo twali ku mukombela. Elyo muntu umwi wali mu ambulensi okuya, mukutausi. Nse yeeyeli kuti muntu nalema mapaudhi ali makumi otatwa, na makumi one. Buyo—buyo maningi, maningi...Elyo aboobo Nda selemukila ku bakombela.

<sup>5</sup> Elyo kaambo Nceli kubaanga nkuwayawaya, kapati, kusinkwa kwa mu lino lyangu kwaka sinkuka. Elyo Ndali uli sibila, kuseenei sunu, ku busena obo kuzwa ku lino lyangu okuya, kumbele okuya. Elyo ba ndaambila kuti lino Nde elede kwaakumba, a kwaasinka onse. Elyo aboobo oku kukomena kuya busobeleta buyo, nce cintu cilikke Nce nzyi. Elyo Nda kajisi kusinkwa muli eelyo lyomwe, a cibaanga ncisela calyo, elyo cindi Nda talika ku kanana, inga walimvwa, muwo ubaanga utontela anze, nywebo—nywebo mulizi Nce wamba, kuzwida atala lya milomo yako. Elyo cikubamba kubaanga kulubizya bwaambe, obo.

<sup>6</sup> Tuli bantu bala coolwe ncobeni kuba baumi kuseeni okuno, a kukonzya kuboola ku cikombelo. Elyo akulinda oku kwa Krisimasi, kulindila kusekelela oko nkoba jisi, kuli, Nda—Nda syoma Nda...Kuli bana banji loko okuno kuseeni oku,

aboobo Nda umuna buyo zii. Mwabona? Elyo swebo tobapati, ziindizimwi, tu kanana zintu zyo bana nzoba teelede akwalo kumvwa, nywebo mulizi.

<sup>7</sup> Pele, Ndi yeeya kuti cikombelo cijisi cipo ciniini awa ca bana baniini, kwainda kaindi. Nda zwaa kucilangalanga, kusule okuya. Oh, uyanda ku kkala. Kwamana kwiiya kwa Munsondo, amu lindile buyo, mwabona, nkaambo Ndi—Ndi yeeya kuti bajisi zipo zimwi kusule okuya zya bantu baniini, zya kuvozya kuseeni oku. Elyo cindi Nda... Nywebo nobantu baniini, amuyeeye, kuciindi notucita ceci, Ndi yanda ku salazyza ceeći, tali Santa Claus, nkaambo ako nke kaano bumwi buzuba nko miya kwiiya kuti takakweankoya kuli nkako. Pele kuzwa kuli Jesu Kristo, Bwini bwa tusimpe toonse, nywebo mwabona, Mwana wa Leza. Alimwi tu mupa cipo eci ciniini, kuseeni oku, kukaambo kaku muzibya kuti ciindi cimwi Leza wakapa cipo cipati maningi ca kakonzya kusola kupegwa ku mukowa wabantu: Mwana Wakwe. Alimwi tu jisi nzila yaansi, ya kucitondezya. Elyo kwiiina cintu nco tukonzya kupa ku kweezyanisa aceeco. Pele mbuli bafwika buyo, umwi kuli umbi, tula cita eco.

<sup>8</sup> Lino, ni Nda lindila mane Munsondo mutobela. Elyo antela Ndiyo cita, nekuba, aa cintucimwi eco Nceli kuyanda kwaamba. Elyo cintucimwi ca—ca zibwa kuli ndiswe, kutala ku muunzi, ca cilengaano, cakutti Nde elede ku citobezya. Elyo ncibaanga ca... Ci baanga ca, mukuboneka, ciyo baanga ncikali, pele ta tuyandi kuyeeya eco Leza ncaamba kuti ncikali. Mikuli Yakwe—Yakwe myuuba.

<sup>9</sup> Elyo mukuba kuti Munsondo mutobela, Leza nawayanda, tu yooba a ii—ii kuswaangana okuno kakutanaba buyo Kulinda kwa Mwaka Mupya, ikuti na Mwami wabotelwa a ndiswe kuba a kuswaangana oku. Elyo tu yanda kuba a kuswaangana kwa kuseeni, mipailo ya balwazi, aliwi antela mulimo wa lubbizyo. Mpawo Nda kayeeya, amu kuzibye ku beenzuma, kuti inga baboola. Mpawo tuyoooba a kuseeni kwa Munsondo a masiku a Munsondo. Elyo mpawo bantu bayanda kulala kulindila Mwaka Mupya, mpawo tu jisi ii... Tu yooba a Kulindilila, ciindi eci na? [Mukwesu Neville waamba, “Iiyi.”—Mul.]

<sup>10</sup> Kuyooba bakutausi basyoonto okuno, bano kanana busiku bwa Mwaka Mupya, oko mane aakatikamasiku. Elyo—elyo twa tamba bakutausi bali boobo kuboola kuzo kanana. I Mwami nawayanda, Ndi yanda kuba umwi wabo ujisi cintucimwi ca kwaambaula a busiku bwa Mwaka Mupya.

<sup>11</sup> Elyo mpawo Munsondo mutobela, Nda yeeya kuti inga Nda leta mulongo wa zintu zya kacitwa, ezyo zyakacitwa, kutondezya nzila Leza njabeleka a bantu Bakwe, a kuzileta moonya mu ii—ii ciindi cipati awa ku cikombelo.

<sup>12</sup> Elyo bunji bwanu mula libuzya ku makani aya ajatikizya mutelo wa kuvola ngo twali kwiindamo. Aka mana. Elyo aboobo

Ndi yanda ku mwaambila ayo mbwakacitika, akwalo. Elyo Ndi yeeya kuti, inga caba, eeledé kucaamba alubo, Munsondo mutobela, aboobo Njo lindila mane Munsodo mutobela. Elyo kusola ku kanana aniini kuli ndinywe, kuseeni oku, kuzwa ku Ijwi. Mwabona? Elyo Munsondo mutobela, Ndi yo—yo sola ku, na Leza wayanda, ku mwaambila nzila oonse mbwa kaboola, a kumuletela cimwi acimwi ca zintu ezyo Mwami nzya kaamba, a ku cilangilila ka cuuma eni akasena kaco, kubikkwa buyo mbubonya ku kasena. Mwabona? Ta ambi cintu cili conse cilubide.

<sup>13</sup> Pele, lino, cintu comwe eco Nce lombozya kwaamba kuseeni oku, eco antela Nce ta, ka caambi Munsondo mutobela, nkujatikizya cintucimwi caka citika jilo. Ndali kawayawaya aniini aa kuboola kuseeni oku, nkaambo Nda katede maningi, cakuti Nse—Nse limvwi mamingi mbuli ncico. Pele mukuba kuti Ndili kokuno, ee, Ndila sola ku bubotu Mbwe konzya.

<sup>14</sup> Zoona masiku, Nda kali mu nkamu, ya Mukwesu a Mucizi Sothmann, mbuli mbo tuzi okuno, umwi wa basyomesi ba mbungano, a mukaintu wakwe, kaboola kuswaya mukaintu a Ndime. Elyo twa kali kwaambaula miswaangano iboola mu Phoenix a kumasena, ikuti na nduyando lwa Mwami. Elyo twa kali kulanga mane kutandila teeni theeti, Nda yeeyela, nkabela Nda kaunka kuyo lala kutandila ileveni.

<sup>15</sup> Elyo ciindi cimwi masiku, Nda kalota ciloto. Elyo mu ciloto eci, Nda kabona umwi wa kali kuboneka kuba bataata; mwaalumi, mupati loko, kwiinimina buyo, ku kanana kwacikozyan, bataata. Nda kabona mwanakazi, takali kuboneka mbuli baama; pele, nekuba, waa keelede kuba baama. Elyo oyu mwaalumi (oyo wakali kweelede kuba mbuli bataata, mulumi wa mwanakazi oyu) wa kali kumupenzya calunya, cakti wa kajisi cikoto cipati ca cisamu, elyo wa kali kunga wa mujata mbuli *boobu* a ku muumya cikoto eci ca cisamu, elyo waa kali kunga wawa a kuyaansi. Elyo mpawo—elyo mpawo, kwiinde kaindi, waa kali kunga wabuka alimwi. Elyo wa kali kunga weenda koonse, kuba amuzeego wa kumuumma alubo, wa kali kunga wamuumma alubo. Elyo Nda kaliimvwi kulaale ambali, ku cilangilila.

<sup>16</sup> Kumalekelo, Nda kacimwa kuli ncico. Elyo Nda kali muniini kwiinda mwaalumi oyu, wakali kweelede kuba mbuli bataata. Aboobo Nda kainka kuli nguwe a kubikka munwe wangu ku busyu bwakwe. Nda kati, “Uta baumi alubo.” Mwabona? Elyo cindi Ne kacita, cintucimwi cakatalika kucitika. Maboko angu akaduntaana, nkabela Nda kaba a milambi, mipati muyumu. Nseno bwene milambi ili boobo. Elyo Nda kajata buyo mwaalumi ku kkola, nkabela Nda kati, “Uta baumi alubo. Ikuti na ucite, ula elela kundi beleka ikuti na ubaume alubo.” Elyo mwaalumi waka ndiyoowa, elyo wamuleka alikke. Nda kasinsimuka.

<sup>17</sup> Ee, nkelede alya, kaindi buyo kasyoonto, mubwini, bupanduluzi bwa ncico bwakasika. Obo bwakali, mubwini, mwanakazi, ku kanana kwacikozyanjo, ni Mbungano, ili musyobo wa yeendelezya. I bataata nkabungwe kuli nguwe, ako keendelezya Mbungano, mbuli mulumi ku mukaintu. Elyo ntootu tubungwe tuuma Mbungano eyo, a ku Ta leka akwalo kuti Imi kile mbuli boobo. Buyo, ciindi coonse Ya sola kubuka na kucita cintucimwi, balo, bantu omuya, kabungwe ka Yu mina ansi. Elyo caamba buyo kubikka milambi imwi—imwi ya lusyomo awa kuzumanana kutondeka munwe wangu okuya, a kwaamba, “Ko beleka ndime. Mwabona?” Nkaambo, kuli bantu omuya bazulilwa kuli Leza. Alimwi eco cakali kabotu. Kutandila...

<sup>18</sup> Twa kali kulanga kutandila maora obilo na otatwe, Nda yeeyela. Elyo mwana wangu musimbi, umwi wabo, Rebekah, kusule okuya, walo ubeleka ku Cibbadela ca Methodisti mu Louisville. Ngu, oh, eco ciwa ciiya ca kwiya kwa narsi. Balo “mbana baciiya kubeleka mucibbadela,” mba baita, na cintucimwi mbuli ceeco. Elyo waa kali, waa... Ba kamwiita kuboola kuseeni oko, nkabela eco nce cakandi busya. Elyo cakali cifumo loko, elyo waa, antoomwe a mulongwe umbi muniini wa ku cikolo okuno, ba—ba beleka antomwe okuya, elyo twa kali kwiinka kuyo babweza kuya ku Louisville. Ba keelede kuba kokuya a teeni okuloko. Elyo mukaintu waka gambwa kaambo ncata kakonzya kuya mu beedilumu. Nda kali ikkiide.

<sup>19</sup> Lino, Nda kajisi zintu zinji zya kacitika mu buumi bwangu, pele Nse naba cimwi mbuli ceeco. Nda kanjila mu kunyangwamuya. Nse buzi bupanduluzi. Nse naba a cimwi mbuli ceeco mu buumi bwangu. Pele, kumbele lyangu, kwakaboneka kuti Nda kaziba kuti cakali cilengaano, nkabela Nda kali mu cilengaano. Pele Nda kali kwaambaula ku mwana wangu, Joseph. Kwalo, taakali mu kaanda ku ciindi eco. Pele munzila imwi, mbo cakandi jata buyo, Nda kali kwaambaula kuli Joseph.

<sup>20</sup> Elyo Nda—Nda kalungumana. Elyo kubaanga mu ciimo ca piramidi, kaimvwi kumbele lyangu, kwakali bayuni, baniini loko, cintucimwi mbuli kulampa kwa cisela ca inchi. Elyo ba kali, ampela lya taala, a mitabi, kwa kali ii...inga kwaamba, yotatwe na yone. Mpawo, utobel, mutabi utobel ndiza wakali lusele na kkumi. Elyo kuya kutako, kajisi kkumi aosanwe na makumi obilo.

<sup>21</sup> Elyo bakali basilumamba baniini, nkaambo mapepe abo asomonwa, a kuboneka kuti bakali kusola kwaambaula kuli ndime, kwaamba cintucimwi. Elyo Nda kali Kumbo, kuboneka kuba ku Tucson, Arizona. Elyo mayuni bakali kulanga Kujwe. Elyo Nda kali kuswiilila kabotu. Kali kusola kwaamba, boneka muli kuti bakalikusola ku ndaambila cintucimwi. Elyo ba kajisi mapepe maniini, oonse kali somwedwe, a zintu. Ba kaba a ziyyaso

maningi zya nkondo. Mpawo, ndyoonya buyo, muyuni umwi waka talika kuuluka kuya ku busena bumwi bumbi, kasotoka mbuli *boobo*. Elyo balo, bayuni baniini bakaunka cakubinda, kauluka kutozya kujwe.

<sup>22</sup> Elyo cindi niba kacita, kuzwa awo kwakasika muyuni mupati maningi, mbuli nziba mpatti, a mababa ajoncomene. Elyo—elyo—elyo ba kasika mu cikama, a kubinda, kubinda kwiinda obo bayuni baniini mbo bakacita, kuuluka kutozya kujwe.

<sup>23</sup> Elyo Ndi cicita muli angu... manjezeeza obilo antoomwe, Nda kalizi kuti Nda kaliimvwi awa, nkabela Nda kalizi kuti Nda kali kubusena bumwi. Mwabona? Elyo Nda kayeeya, “Lino, eci ncilengaano, alimwi Nde elede kwiya cintu eci nco caamba.”

<sup>24</sup> Elyo nkamu yabili niya kasika buyo munsi, Nda kalanga Kumbo. Elyo kwakaboneka mbuli mu ciimo ca piramidi, mbuli obilo ku lubazu alumwi, a cimwi atala, kwakasika Baangelo bosanwe basinguza kapati Mbe kasola kubona mu buumi bwangu. Kubalika obo kukali, Nkwe tana bona. Mitwe yabo kusule, a mababa Abo kajoncomene, kuyabuya ncobeni cakufwambaana! Elyo nguzu zya Leza Singuzuzyonse zya ka ndifumpa, mu nzila eyo, mane Zya kandi nyamuna kuzwa ansi kuya kulaale, lweendo loonse kuzwa ansi, atala.

Nda kakonzya kumvwa Joseph ka caambaula.

<sup>25</sup> Elyo kumvwika mbuli kutilika kwa saundi bbaliya, oko—oko kukwemba kupati kwakaba, ku nzila kulaale, ku Musanza. Elyo cindi Ne kanyamunwa mujulu... Elyo kwakali kubalika kukali kwa Baangelo! Elyo Nda—Nda konzya ku Ba bona buyo ndyoonya lino, mwabona, mbuli—mbuli mbo Ba boola, mu ciimo mbuli *ceeco*, kaba fumpa moonya muli ndime.

<sup>26</sup> Lino, kutali kulota, lino. Peepe. Nda kali mpoonya alya, nkelanga ameso mbuli Mbwe bede lino. Mwabona?

<sup>27</sup> Pele Ngooyu waboola. Elyo Ba kali kufwambaana maningi loko, mane Nda kayeeya, cindi ni Ca kanyamuka mujulu... Nda kamvwa kubbotoka oko, mbuli, na mbuli kunzuma oko kwakaunka, mbuli saundi bbaliya. Elyo cindi ni cakacita, Nda kayeeya, “Ee, eci ceelede kwaamba kuteeti Ndi laafwi kujaigwa, mwabona, mu kunzuma kwa musyobo umwi.” Elyo—elyo Nda buyo... Kuciindi Ne kayeeya a zintu ezyo, Nda kayeeya kuti, “Peepe, inga takukabi boobo. Nkaambo, ikuti na kwaki kunzuma, ini kwaka jata Joseph, awalo. Nkaambo, ngooyo we, ka caambaula, kayeeya kuti nko Ndili. Nda konzya ku mumvwa. Tee kwakali boobo.”

<sup>28</sup> Lino, oku koonse kucili mu cilengaano. Ta cakali... Mwabona? Ca kali mu cilengaano.

<sup>29</sup> Elyo mpawwo, ndyoonya buyo, mbuli Mbwe kaziba kuti Nda kali... Ba kali ndizungulukide. Nse kakonzya ku Ba bona,

pele Nda kaletwa muli ndakutema oyu wa piramidi ya Mbabo, mukati ka ndakutema oyu wa—wa Baangelo, bali musanu. Elyo Nda kayeeya, “Lino, Angelo wa lufu uyooba omwe. Tosanswe inga twaba luzyalo.” Nda kali kuyeeya ceeeo. Nda kayeeya, “Oh! Ci—Ci boola a Mulumbe wangu. Eco nce ciindi cangu cipati. Ba boola kundi letela Mulumbe uuzwa ku Mwami.” Elyo Nda koompolola anguzu zyangu zyoonse, kumvwika maningi mbuli Mbwe kali kukonzya kuteeti, “O Jesu, ino Uyanda kuti ndicite nzi?” Elyo cindi ni Nda kacita, Ca kamwaika buyo—buyo kuzwa kuli ndime.

<sup>30</sup> Nse—Nse—Nse na limvwaka kabotu buya, kuzwa eelyo. Mwabona? Nda kali, jilo buzuba boonse, Nda kacita kukkanala mu ng’anda, kutandila kutakonzya kulijata ndemwini. Nse konzya kubamba mizeeo yangu kugweemuka. Elyo bulemu a nguzu zya Mwami! Nda kaba a cinywe koonse, cindi ni Ca kandisiya. Nda kali kusola kukumba maanza angu. Elyo Nda kayeeya, “Nse konzyi kujata kuyoya kwangu.” Elyo Nda kendeenda, aimwi kwiinda a cibuye, a kusule a kumbele. Nda kayeeya, “Ino caambanzi, Mwami? Ino caambanzi?” Mpawo, Nda kaima. Nda kati, “Mwami Leza, mulanda Wako uli . . . Nse—Nse konzyi kumvwisya nconzyo. Nkaambonzi? Cakali cinzi eco? Ku cizibya, Mwami.” Ee, cindi i . . .

<sup>31</sup> Nse konzyi kumwaambila makani, cindi Nda amba kuti, “Nguzu zya Mwami.” Takukwe nzila ya kucipandulula eco. Tacili eco neo muvvaa awa, mu zilongezyo. Ezyo nzilongezyo zya Mwami. Eci cili setekene! Oh, ma! Ci—ci laindilila ku cintu cili conse uuwfrika cakonzya akwalo kweezeyza. Mwabona? Elyo ci—elyo ci landipenzya, kapati nconzyo. Ta cicit . . . Ta cili cilongezyo. Ndi penzi. Ula penzegwa. Mwabona? Nce ncico. Ikuti na wakonzya biyo . . .

<sup>32</sup> Ikuti na Nda konzya biyo kujana nzila imwi Nje konzya kwaambila bantu obo mbo cakabede, na oko ku . . . oko kulimvwa mbo kwakabede! Ta, ta cili mbuli kukkanala, uyanda kutangala. Calo—calo ncintucimwi cakuti nsinga zyoonse zyakuyeyela muli nduwe buyo . . . Cila indilila ku kuyoowa. Cila indilila ku kukanduka. Lwalo ndulemeko lusalala. Lwa . . . Ndi . . . Takukwe nzial ya kucipandulula. Nokuba, mane, sule lyangu lyoonse, ata ansi lya moongola wa boongo bwangu, kwiinda mu tunwe twangu, ata ansi lya matende a minwe yangu, buntu bwangu boonse wakaba acinwe ncobeni, mwabona, mbuli buyo kuti wa ka—wa kazwa mu inyika, kubusenabumwi. Elyo—elyo cakali kundi siya, buucebuce, elyo Nda kati ku i—i Mwami, “Sa Ula ndilekela kuziba, O Leza?”

<sup>33</sup> Nda yeeyela, kuti camuunsi maningi eco cakasola kuba anguzu alubo, cakali cindi Ne kali mu Zurich, Switzerland, ciindi eco Na kandi tondezya oyo Sikwaze muna German kalangilila oyo sikutanta mbizi ya Chikuwa naka selemuka

kwiinda mu Africa. Elyo Wa kati, “Boonse bakabisya akulela ku bulemu.”

<sup>34</sup> Elyo Nda kali koompolola ku Mwami, kuti andi gwasye. Elyo Ndi—Ndi Mu yandila kuti andipe bupanduluzi, nkaambo Nda kalibuzya ikuti na ca kaamba—ikuti na ca kaamba kuteti Wa kali kuunka, Nda kali kuyo jaigwa. Elyo ikuti na cakali obo, Ne takainka kuyo amba cintu ku mukwasyi wangu kujatikizya ncico. Nciindi cangu cakuya ku Muunzi, baa, Njo inka buyo ku Muunzi, nku koonse kwaco. Pele ikuti—ikuti na eco nce cakaamba, Nse yandi kwaambila mukwasyi, nsiyandi kuti bazibe cimwi kujatikizya ncico. Ku cileka buyo kucitwa, alimwi eco—eco ni cakaba coonse caco.

<sup>35</sup> Nda kati, “Mwami, ndigwasye. Nse yanda kwaambila mukwasyi, ikuti—ikuti na Uli... Eci, nkwiitwa kwangu kwa ku Muunzi, ee, Njo—Njo inka.” Nywebo mwabona. Nda kati... Elyo, nywebo mulizi, muli...

<sup>36</sup> Nywebo mwati, “Ee, nkaambonzi wa kayeeya makani a cintu nco kaamba mu cilengaano, eco cilengaano nco cakaamba?”

<sup>37</sup> Pele tokonzyi kuyeeya zintu mbuli ceeco mpawo. Yebo... Nse konzyi, nekuba. Elyo Nda kayeeya... Nda kapenzegwa buyo, kunyonganisigwa. To zyi nzila ya kuyeeya. To konzyi kuyeeya.

<sup>38</sup> Elyo Nda kati, “Taata Wakujulu, ikuti na eco cakaamba kuti—kuti kubbotoka kuyo nditolu, ee, andi zibe lino, kutegwa Nda ambe cimwi kujatikizya ncico. Lekela bulelu a nguzu Zyako ziboola ali ndime alubo, a kundi nyamuna mujulu alubo. Na, lekela bulelu Bwako buboole ali ndime, elyo mpawo Njo—Njo ziba mpawo kuti cakali kwaamba—cakali kwaamba eco, alimwi kutegwa Ndi konzye ku cibamba kuli lwangu.” Elyo taakwe cakacitika.

<sup>39</sup> Aboobo mpawo Nda kati, “Mpawo, Mwami, ikuti na cakalikwaamba kuti Uyo tuma Batumwa Bako ku kutumwa kwangu, nkokuti lekela nguzu Zyako zibooke alubo.” Zya katandila kundi gusya mu kaanda!

<sup>40</sup> Nekubaboobo, Nda—Nda kapempenukwa, a Bbaibblee lyangu mu janza lyangu, mpawo, mwabona, a kulomba Leza kundi gwasya. Elyo cindi Ne kacita, Wa—Wa kandi tondezya cintucimwi mu Lugwalo, cikali kujatikizya nkoonya kuli ncico, mpoonya alya. Elyo Nda kayeeya, “Sa inga caba ceeco nconzyo? Mbobutu Mbwe cita ceeco?” Elyo, oh, Nse—Nse konzyi kupandulula zintu ezi, nobantu. Zila indilila ku cintu cili conse Nce zyi. Mwabona?

<sup>41</sup> Mukaintu wangu mwanakazi ugambya loko; umwi mubotu kwiinda mu inyika. Pele kaindikanii, Nse kaamba cintu cijatikizya ncico. Nda kazunmanana. Waa kaziba kuti kwakali cintucimwi cakacitika. Aboobo cindi Ne kamwaambila, waa kati, “Yebo ulizi, Bill, Nda ka kubona a kukumvwa, mu zintu

ezyo zinji.” Kati, “Yebo uli kuti Nda kusyoma a moyowangu onse,” waa kaamba. Waa kati, “Pele eco cakacitika ncobeni.”

<sup>42</sup> Cakaboneka buyo, kandi zungaanya buyo, oko kunzuma a kuboola kubinda kwa Baangelo abo mbuli booboo, bosanwe babo antomwe, mu ii–ii bandakutema Wabo. Mbuli, kubaanga mbuli—mbuli kuti Nda kajisi eyo piramidi ya dulowing’wa awa, mwabona. Ba kaboneka obo, ku kutilika, Ba kabaneka mbuli, kubaanga ba ii...kulaale, Ba kaboneka musyobo mbuli mubala wa nziba. Elyo ba kali kuboola mukati—mukati kuzwa nzila *eyi*. Elyo ba kali, boneka mbuli, omwe, bobilo; botatwe, bone; alimwi mpawo omwe atala eeni, mwabona, kupanga bosanwe. Elyo baka sika lubilo luli obo! Takukwe cintu, taakwe jeeti, kwina cintu cimbi cikonzya kwezyanisigwa a *ceeco*.

<sup>43</sup> Elyo Nda konzya ku Ba bona, a mitwe Yabo kibaanga ili mu mabali. Aya mababa kajoncomene kusule, kaazwide zilwanyo, alimwi Baaba basika, aboobo “Fyuu!” Mbuli *boobo*. Kaboola ansi eeni, a kundi bweza kuya moonya mu piramidi eyi ya ba ndakutema Yabo. Nda kabona kuti Nda kali sakene, atala kuzwa aansi. Nda kayeeya kuti ndiza...Nda kamvwa, nzila ili kulaale, oko kuzuma, “Wuumu!” Mbuli ii–ii–ii ndeke cindi ya kosola saundi bbaliya, mwa kakumvwa kucitika mbuli booboo, mbuli buyo kuzuma kwakule.

<sup>44</sup> Nda kayeeya, “Eci inga ndiza caamba lino, cindi lino eci cilengaano candi siya, kuti Njo jaigwa kwiinda kukubbotoka na cintucimwi.” Nda kayeeya, “Mpaawa Mpendi. Nda nyamunwa mujulu. Ndili...Bali, Bali waano amwi. Ndili—Ndili muli ceeci, eyi piramidi ya Baangelo awa. Pele, Ta-Ta ndizi. Ndiza Mwami uboola kundi tola ku Muunzi.”

Mpawo Nda kamvwa Joseph kunselelo okuya, kaamba, “Taata?”

Kayeeya, “Peepe, ikuti na eco mbocibede, ni caka mutola, awalo.”

<sup>45</sup> Mpawo Cintucimwi cakati, “Yebo...” Amuyeeye, Nda lindila, kulangilila Mulumbe oyo Ngwe kalangila kumbele lyoonse ku, cintucimwi.

<sup>46</sup> Elyo cilengaano, buzuba bumwi, nywebo mulizi, mbuli Mbwe kali okuno kutali ciindi cilamfu cainda, ku ndaambila makani acintu cakali kuyo citika; nzila Mbwe kali kukambauka mukati, kuzwa ku zuba, kuya mu busena obu. Elyo—elyo mpawo Nda kati, “Lino ciindi cipati kacitana boola.”

Nda kayeeya, “Kuyooba Mulumbe.”

<sup>47</sup> Mulayeeya na Mulumbe wangu okuno? I kujulwa kwa nsonjeyabbwe eyo, oko, ayo majwi ali ciloba a zinamatizyo zita lembedwe akwali mu Ijwi lya Leza. Mulayeeya? Eyo cakandi tola mu piramidi eyo.

<sup>48</sup> Elyo Junie Jackson, ikuti na mpoli awa, eco ciloto nco kandipa kutali ciindi cilamfu cainda. Nse ko caamba kuseeni oku. Wa kali loko... Leza wakali londokede loko. Elyo ndijatile kuta kupa bupanduluzi; nkaambo, Nda kabona cintucimwi ka ceenda.

J. T., cintu nciconya, mwabona. Elyo Nda—Nda—Nda kalicizi eco.

Alimwi Mucizi Collins, mbubonya ncobeni. Mwabona?

Elyo cisambomwe ca baabo, kaba sololela nkoonya kugama ku cintu nciconya.

<sup>49</sup> Elyo mpawo cilengaano Nce kamwaambila nyoonse, myaka yainda, caka zwaal kucitika buzuba bumwi. Mwabona? Eco cakali kuyo citika.

<sup>50</sup> Elyo nceeco we, kacikkede kabotu, zintuzyonse ka zikkede kabotu alya. Ncintucimwi buyo cili mu kweenda. Ta ndizi eco na ncinzi. Leza ndigwasye; mupailo wangu.

Atu kombe.

<sup>51</sup> Taata Wakujulu, tuli—tuli bafwika buyo, alimwi mpaawa tu liimvwi kuseeni oku. Elyo, Mwami, Nda... Wa kandi tuma ku sololela butanga obu buniini a mbungano eyi. Elyo Ndili kumagolelo angu. Ta ndizi nzila yakutola, cintu, busena, ciboola. Pele Ndi lizi eci cintu comwe, cakuti, Wa katu Uyo bamba “zintuzyonse kubeleka antomwe ku bubotu kuli babo” ba Ku yanda a bakaitwa kweendelena ku bukanze Bwako. Nda Ku loomba, Leza, kuti janza Lyako pati lya luse libe ali ndiswe.

<sup>52</sup> Tu lizi incobeni kuti Nduwe Leza. Alimwi tu lizi kuti toli Nduwe wakapona mu mazuba akainda, pele Uci pona sunu. Wa kali Leza lyoonse. Uyooba Leza lyoonse. Wa kali Leza ciindi kacitanaba, alimwi Uyooba Leza eelyo kwatano ciliko ciindi. Uci nooli Leza.

<sup>53</sup> Elyo tuli mu maanza Ako, Mwami. Tuli bulongo buyo, nkabela Nduwe sikubumba, Mubumbi. Panga maumi esu, Mwami, mu nzila njo konzya kujana mulimo mubotu maningi wa kulemeka Nduwe. Ko cipa, Taata. Tuli buyo mu maanza Ako.

<sup>54</sup> Tee twaka jisi nzila ya kuleta okuno tobeni, na ta tuzi obo mbo tweede kuzwa. I Mwami, Wa katupa buumi, alimwi Uli jisi... Twa josya maumi esu kuli Nduwe, alimwi, muli boobo, Wa katupa, mu kusintanya, Buumi Butamani. Lusyomo lwesu luyoya ceeco mu bunt bwesu mbubonya. Elyo tula Ku lyanda nkambo ka ceeci, nkaambo tu lizi kuti buzuba bumwi tuyu Ku bona, alimwi Uyo ba mu bulemu Bwako. Elyo tuyu Mu langa. Elyo tu sukamina kumvwa majwi ayo, “Kwa kacitwa kabotu, omulanda wangu mubotu uusyomeka. Njila mu lutangalo lwa Mwami, lwa kabambilwa nduwe kuzwa ku malengelo aa inyika.” Kusikila ku ciindi eco, O Leza, eelyo toonse twa kuswaangana, tu sololele.

Tuli balanda Bako, aliwi tu lomba kujatilwa kwa zibi zyesu.

<sup>55</sup> Ezi zilengaano zyanguzu, Mwami, zyavulisya-loko ku mulanda Wako. Ta ndizi cakucita. Ndi—Ndi zyi buyo kuti zyasika. Alimwi Ndi konzya biyo kwaamba Nce kabona, a ca kaambwa. Elyo ziindizimwi cilandi yoosya, Mwami. Elyo Nda—Nda libuzya cintu cakucita.

<sup>56</sup> Mpawo Nda kabweza Bbaibbele a kubala omuya nzila Isaya mbwa keelede kulimvwa buzuba obo mu tempele, cindi na kabona abo Baangelo, mababa ku matende Abo. Ta cigambyi kuti wa koompolola, “Maawe kuli ndime! nkambo meso angu a bona bulemu bwa Mwami.”

<sup>57</sup> Elyo cakali ciindi musinsimi na kaompolola: nakamana kusalazigwa mu tempele, cindi Angelo takabweza lumano a kuyokolola kkala lya Mulilo a kulibikka aa milomo yakwe; nakamana kulyaamba kuti wa kali muntu wa milomo iitasalali, a kupona a, akati ka bantu batasalali. Nekubaboobo, wa kali musinsimi. I Angelo wakabweza lumano kubikka kkala lya Mulilo aa milomo yakwe a kumu salazya, a kuti, “Lino koya, kasinsime.”

Mwami Leza, Isaya wakoompolola kuti, “Mpaawa Mpendi, Mwami. Ko ndituma.”

<sup>58</sup> Cindi, Na kati, “Nguni uti twiinkile?” Nkambo eyo nzyalani mbyaabi aya bubi!

<sup>59</sup> O Leza, aciloolole. Aciboole alubo, O Mwami. Tuma Muuya Uusalala antomwe a Mulilo uusalazya. Nkambo, Nda lyambilila, kuti Ndili similomo iitasalali, alimwi ndikkala mu nyika eyi okuno a bantu batasalali. Elyo tuli batasalali mu meso Ako, Mwami. Pele, oh, tuma nguzu zisalazya, Muuya Uusalala! Tu salazye, O Mwami. Salazya mulanda Wako, Mwami.

<sup>60</sup> Alimwi mpawo kanana, Mwami. Mulanda Wako ula swiilila. Ndi sukamina kumvwa eelyo Jwi. Ndili Wako. Kondi belesya, Mwami, mbuli Mbo kubona kweelela, kuciindi Ne libikka lwangu aa cipaililo Cako. Lekela Muuya Uusalala undi salazye, Mwami; a kunanika a kutuuma, Mwami, ikuti na Uya nda umwi kuunka, ikuti na eli ndi oora alimwi eci nciindi.

<sup>61</sup> Ta—Ta ndizi, Mwami. Ta—Ta ndizi buya kuti Nda kabona abo Baangelo. Alimwi Uli zyi zintu kuti nzya Bwini nconzyo. Elyo Nda lomba, Mwami, “Maawe kuli ndime,” aboobo ndigwasye.

<sup>62</sup> Elyo lino longezya bantu aba. Elyo tu waano sunu, kakutanaba buyo katalisya kwa ciindi eci cakusekelela kuzyalwa kwa Mwami wesu. Twa lomba kuti Utu gwasye.

<sup>63</sup> Elyo kuseeni oku, mulanda Wako, Mukwesu wesu Neville, walimvwa kuti ndizaa inga caba ciindi eco nca elede kupumuna asyoonto, alimwi ndiza Nde elede ku kanana. Elyo Nda—Nda lomba kuti Ula ndigwasya lino.

<sup>64</sup> Kuli abo awa, Mwami, toonse swebo, tuli mu kubula Kwako. Aboobo twa lomba lino kuti Ula tulongezya mbuli mbo tubala Ijwi Lyako a kuyeeeyayeeya kwa kaindi kaniini. Lekela Muuya Wako uboole ali ndiswe, Mwami. Alimwi kotu salazya a kutu bamba Kupya, a Muuya Uusalala, a Mulumbe wa Leza, cabupya kuzwa ku cipaililo, a kuzungaanya inyika ili mukufwa, kakutaninga kuba kuswena kwa Leza mupati Utamani. Nkambo twa cilomba mu Zina lya Jesu, Mwana Wakwe uuyandwa, a Mufutuli wesu. Ameni.

<sup>65</sup> Lino Ndi yanda kwiita kuwiilila kwanu ku Lugwalo awa, a bulembu buniini, obo Mbwe lembalemba.

<sup>66</sup> Elyo ndila syoma, Doc, na Billy, na umwi wabo wandaambila, kuti bayanda kukotoka kufwambaana kukaambo ka bana. Ba jisi zipo zyakupa mbabo.

<sup>67</sup> Nywebo nobana baniini nomwazwa calino ku kwiiya kwanu kwa Munsono, kamu—kama kwendeenda buyo munsi, kwakaindi kaniini. Eci nco twaamba uzwa awa ndiza inga casakana aniini kuli ndinywe, pele amu—pele amu kkale buyo zii a baama a bataata, kwa maninti masyoonto. Ndi yanda kwaambaula kuli mbabo.

<sup>68</sup> Lino, omuya mu Ntembauzyo, Ntembauzyo ya 89, Ndi yanda kubala kampango na tobilo, twa Ntembauzyo 89. Ndila sola kubala kampango ka 50, a 52 aka Ntembauzyo 89.

<sup>69</sup> Lino, sa muvwa lweendo lonse kusule kwini, kabotu? Ikuti na mulakonzya, amutambike maanza anu. Aboobo Ndi...Eco cili i...Sa mamaiki oonse alabeleka? [Umwi waamba, “Ta ndizi.”—Mul.] Sena *eyi* nje mbotu, na *eyi* imwi? *Eyi* imwi? *Eyi* imwi? [“Aya obilo ku lubazu ala beleka.”] Mpoonya awa, *eyi* yobilo ku lubazu? [“*Eyi* imwi, *eyi* imwi, alimwi *eyi* imwi.”] Ncibotu.

<sup>70</sup> Ta ndizi naa bayo teping’ a oyu na pe. Nkucitika buyo kumwi kuta yeeyelwi kuseeni oku.

<sup>71</sup> Pele muta lubi lino, amube a beenzinyoko boonse. Elyo Ndi—Ndi yanda kuba masimpe, kutandila, kusola kujanika ku muswaangano utobelua Munsono.

<sup>72</sup> Ba noomanide kuyaka cikombelo okuno calinolino, Nda yeeyela. Elyo Ndiyo—Ndiyo jokela oyu mpawo, kukambauka ezyo Zinamatizyo zili Ciloba, ikuti na nduyando lwa Leza, kuzwa ku Lugwalo awa.

<sup>73</sup> Mu Bbuku lya Ntembauzyo, cipati 89, kutalikila kampango ka 50. Atu swiilile ku kubala kwa Ijwi lino.

*Yeeya, Mwami, sampa lya balanda bako; obo Mbwe yumuna mu camba cangu sampa lya boonse bantu banguzu;*

*Kwiinda kuli basinkondo bako ba sampula, O MWAMI; kwinda oko basampula ntaamu zya munanike wako.*

*Alelekwe Mwami kwa lyonse. Ameni, alimwi Ameni.*

<sup>74</sup> Ndi yanda kwaambaula kuli ndinywe kwa ciindi cisyoonto aa . . . Ndi yanda kuti mweengele eco, lutaanzi, a kubala eco kuloolola, kabotu loko. Ndiza kuyandika kubala alubo ndyoonya lino. Amu swiilile kabotu lino. Mwabona?

*Yeeya, Mwami, sampa lya balanda babo; obo Mbwe yumuna mu camba cangu sampa lya bantu boonse basinguzu;*

*Kwiinda kuli basinkondo bako basampaula O Mwami; kwiinda oko basampaula ntaamu zya munanike wako.*

*Alelekwe Mwami kwa lyonse. Ameni, alimwi Ameni.*

<sup>75</sup> Amu Ci langelange kabotu, mbuli Davida mbwa kacaamba. Ndi yanda kubelesya eco ku ciiyo . . . Nceenzu maningi, ikuti nciyo ca Krisimasi alubo; pele mbuli Mbwe kakambauka Munsono mwainda aa ciiyo ceenzu. Nda ciluba mbo cakabede lino. Ca kali i . . . [Ii mukwesu waamba, “*I Inyika Yazwa Mubweende Buli Kabotu.*”—Mul.] Wati nzi? [*I Inyika Yazwa Mubweende Buli Kabotu.*] I kuzwa: *I Inyika Yazwa Mubweende Buli Kabotu.*

<sup>76</sup> Lino Ndi yanda kubelesya ku ciiyo, Munsono omuno: *I Sampa Lya Kaambo Ka Ijwi.* Lino andi ciloolole, kabotu loko. I . . . *I Sampa Lya Kaambo Ka Ijwi.*

<sup>77</sup> Leza uli jisi ciindi, a kaambo ka ciindi eco, kukuzulizya Majwi Akwe oonse. Leza ulizi kabotu loko eco Ncaya kucita. Ta tuzi. Twe elede buyo ku citambula mbuli Mbwa cipa kuli ndiswe. Pele, Uli zyi, alimwi takukwe cintu ciyo lubila a ceeco Nca—Nca kakanzila kucita. Coonse ceelede kuboola kuba. Ku leelede kuba, ziindizimwi, zintu ziymu a zigalankene, ku kugwisya buyo cintu cini, bupange bwini bwa cintu.

<sup>78</sup> Nywebo mulizi, mvula ilazyalwa, mu milengalenga, ya lulabo lumwaika, lugweajaula lukalala mu kunzuma. Elyo ikuti na ta tujisi mvula, inga tii twapona. Pele sa mulabona eco cicitika ku kuleta mvula? Munzumo, lulabo, kumweka, a bukali. Elyo kuzwa omuya ni mvula.

<sup>79</sup> Ii mbuto yeelede kufwa, kubola, kubija, kununka akujokela ku suko lya nyika, kutegwa kuzyalwe buumi bupya.

<sup>80</sup> Citola koonda ngolide, kuyoonya kuloolola, koonse a koonse, a koonda kusikila mankwisita oonse agusigwa kuli njijo. Kutali kuti ila mweka, nkaambo butale bwa piraiti, eyo izizilwe mbuli ngolide ya kweena, bula balama mbuli ngolide ini. Pele, bikka zyobilo antomwe. Ko zibikka ku lubazu lomwe, tokonzyi kuziba lwandaano. Pele zibikka antoomwe, ula konzya kuziba. Elyo sikoonda lyoonse weelede koonda kusikila wa—wa bona cinkozya cakwe ka cili tondezya mu ngolide.

<sup>81</sup> Elyo Leza ula bamba ciindi alimwi uli jisi bukanze ku zintuzyonse Nzya cita. Taakwe cintu cicitika mu cibukilambuta

buyo kuli baabo bamuyanda Mwami a bakaitwa kwendeleno ku lwiito Lwakwe. Mwabona? Twa kakanzwa. Alimwi zintuzyonse zila beleka kabotu, nkambo ka ceeco, nkaambo Ta konzyi kubeja. Elyo Wa kaamba kuti kuti eco cakali boobo, kuti zintuzyonse zili jisi ciindi, kaambo kazyo, alimwi zili jisi nzila yazyo. Alimwi Leza uli kunze mya bweende boonse. Alimwi ziindizimwi ueyea kuti zintuzyonse zyeenda buteolede. Cili kuli ndiswe. Ezyo zintu zya kabikka ali ndiswe, masukusyo a kugambwa. Nku sunka, kubona obo mbo tuyu vwiila ku mucito.

<sup>82</sup> Ciindi cimwi cakainda mu, kutala mu Vermont, Mukwesu Fred a Mebo twa kaunka ku lubazu lwa New York, kulanduka Lake Champlain, elyo twa kasika ku lubazu lwa New York. Elyo Nda kaima atala lya mulundu oko cakuti, atala lya Hurricane Mountain, oko Nkwe kali kuvwimina. Elyo okuya Nda kaibaluka cindi Ne kasweekede, a nzila Leza mbwakandi solelola kujokela, buyo ku Muuya Uusalala ulikke, kwiinda mu maguwo amvula. Cakuti, ni Nda kafwa, kuloba, awalo mukaintu wangu a Billy, kunselelo mu cilabba ciniini mamaile kutantamuka. Elyo Nda kanyona.

<sup>83</sup> Elyo kwakali caanda buyo cisyoonto mo twa kainda, kusika ku cilabba, kumatalikila butololo. Elyo Nda kaliimvwi awo nkeambaula ku Mukwesu Fred, nkabela Muuya Uusalala wakati, "Koya kubusena ukabe olkke." Elyo Nda kazwa kuya mu cisaka kaindi kaniini, busena. Wa ka ndaambila kuti, "Kuli koozo kabikkilidwe nduwe. Kocenjela ino." Pele Ta kandaambila nzila, acintu. Nda kajokela a kwaambila Mukwesu Fred.

<sup>84</sup> Kaunka ku mbungano busiku obo mu auditoriamu, ka caambilizya ku bantu. Elyo busiku bwaka tobela caka citika. Elyo mpawo nkeimvwi alya cindi Na kandaambila, ali basikusabula bamwi, Wa kati, "Cili mu maanza ako. Kocita a mbabo. Kufumbwa ncowamba, ciyo citika ndyoonya buyo."

<sup>85</sup> Mpawo we. Awo, muntuumwi talilemeki, uutali munaleza, alimwi bakali kufubaazya a kusabula muswaangano, mwaalumi mukubusyi a mwanakazi mukubusyi. Elyo wa kali kusola kucita luyando lwa cisapi kuli nguwe mu buyake; a kuswiilila kwa bantubonse, kuciindi Ne kali kusola kukambauka. A kukwela mutwe wakwe ansi a kutanta aa mabelo akwe, a kutonta mutwe wakwe kujokula a kusola ku mumyonta, a kuzumanana mbuli boobo mu muswaangano, kukwela kuswiilila.

<sup>86</sup> Elyo Muuya Uusalala wakati, "Lino uli... Bali mu maanza ako. Ncinzi ncota cite a mbabo?"

<sup>87</sup> Kwakali kuumuna kusetekene. Bantubonse bakali kkede cakuumuna mbuli calufu. Elyo Nda kayeeya, "O Leza, ino Nde elede kucita nzi?"

<sup>88</sup> Mpawo Nda kayeeya, ikuti ni kwaatali kucenjezegwa kwa Muuya Uusalala, mazuba obile ainda kakutana. Nda kati, "Ndila mujatila." Lino, eco Nca kali kuyanda kuti ndaambe. Mwabona?

<sup>89</sup> Nkaambo, nekubaboobo, Nda—Nda kazulwa, ndiza kutali oyo, pele kuzulwa. “Alimwi kuzulwa kuniini nkwa koonse.”

<sup>90</sup> Aboobo Nda kati, “Nda mujatila.” Alimwi kuli bakamboni bakkede awa lino, bakaliko mpawo. Mpawo Muuya Uusalala wakawa kwinda.

<sup>91</sup> Lino, nywebo mwabona, Ndi syoma kuti ezi zintu zyoonse zyaka jisi ncozyaamba. Ino inga wacita nzi a nguzu? Mbobuti mbonga wacita, mwabona, kuvwila mucito? Cintucimwi ceelede kusika mbuli kucita, mpawo mbobuti mbo vwiila ku mucito oyo? Sena mwamvwisya eco Nce wamba? Ncinzi nconga wacita? Alimwi ndiza coonse eci cakabeleka kusika owo mpo tubebe lino. Ta ndizi. Nse—Nse konzyi kwaamba. Pele lyoonse kuli nzila imwi . . .

<sup>92</sup> Elyo amuyeeye kuti, sampa lya—lya Ijwi li jisi . . . I Ijwi lyoonse liyumuna sampa. Kwiinda mu makkalo oonse, Ijwi lya Leza lyakananikwa lyoonse lya kasampaula. Ako nke kaambo nciyumu kapati ku bantu abo bata mvwisyi, mbobanga baziba nzila ya kuzumina sampa elyo.

<sup>93</sup> Sena inga mwayeeya basikwiyya kaba pilukila a kusekelela nkaambo baka mvwisyi kuti baka balwa cakweelele kwiima ku sampa lya Zina Lyakwe? Wa kati, “Boonse bapona cabuleza muli Kristo bayo yumuna kupenzegwa,” sampa lya Ijwi.

<sup>94</sup> Lyoonse weelede kwiima kuzunda eli sampa kutegwa kupegwa kusolekwa kwako, ku bona. Muntu oonse kuboola kuli Kristo weelede kuba mwana wakaisigwa lutaanzi, ku i—ku bukanze bwakuti Leza waka kusalila ceco. Elyo amuyeeye, ikuti na mwakonzya kuumuna buyo! Amuyeeye, ikuti Wa kamwiitila ceeci, taakwe cintu eikonzya ku citantamuna kuzwa kukucitika. Takukwe madaimona manji mu kuponzya, pele Ijwi lya Leza liyo yubululwa. Wa kazyalilwa bukanze, alimwi taakwe ukonzya kutola busena bwako. Inga kono jisi basikulikozyanisa a zintuzyonse zimbi, pele taba katoli busena bwako. Mbubo. Ijwi lya Leza liyo zunda. Tali konzyi kukakilwa. Mpaawo Munakristo aumwi mpeelede kwiimina, kuziba ceeco—ceeco. Elyo masukusyo ayo boola, akuboneka kuba nzila yoonse, kuli nduwe. Pele yeeya, Leza ujisi bukanze, nkabela zyoonse ziyo beleka kabotu.

<sup>95</sup> Lino atwi baluke ii—ii zyakacitika zisyoonto zya Ijwi lya Leza kazizulizigwa, a baabo baka yumuna Ijwi mu bukkalo bwabo.

<sup>96</sup> Nda—Nda kalimvwa mu Muuya, kutali ciindi cilamfu cainda, kuti umwi wakali kundikazya. Kwayanda kwakali mu cisi cilizigwa mateepu. Kwa kutondeka maningi lyoonse, pilukila a kusala basyakacita ba Bbaibbele ali ceeco Nce wamba. Ee, Nda cita eco ku bukanze. I Bbaibbele lya kaamba kuti zintu ezi zili lembedwe kutegwa ka tuzilanga. Alimwi nzila biyo, kakutakwe lwiyo, nzila biyo Nje konzya kucita, nku tondeka kusula a

kwaamba, “Amubone *eci* mpo ciimvwi, eco cakacitika kwiinda kuli ncico, oko *eci* cimwi cakacitika.” Mwabona? Elyo mpawo kolibikka buyo lwako omuya.

<sup>97</sup> Mbuli Mbwe kali kukambaula, kutali ciindi cilamfu cainda, aa mulombe muniini kuya mu bwaato, nywebo mulizi, alimwi—alimwi silutwe wakale wakali kufwa. Wa kali cisidwe. Elyo wa kabuzya ikuti na tii kwakali Bbaibbele mukati. Elyo ba kajata mulombe muniini oyo wakajisi Bbaibbele, nkabela wa kasika a kubala Isaya 53:5. “Wa kayaswa nkambo ka nsotoko zyesu, kacuzaulwa nkambo ka mulandu wesu.” Elyo wa kati, “Andi i... Andi kwaambile, silutwe, nzila bama mbo bakali kulibala.” Kati, “Njeeyi nzila mbo bakali lemba. ‘Wa kayaswa nkambo ka milandu ya Willy Pruitt. Alimwi Wa kakomwa nkambo ka Willy Pruitt. Alimwi zintu ezi zyoonse Nzya kacitwa, nkaambo ka Willy Pruitt.’” Eelyo lyakali zina lyakwe.

I silutwe wakale wakati, “Nda cibotelwa eco. Sa inga wabala zina lyangu muli ndilyo?”

<sup>98</sup> Wa kati, “Ndila sola.” Elyo wa kati, “Wa kayaswa nkambo ka nsotoko zya John Quartz’ Wa kacuzaulwa nkambo ka milandu ya John Quartz’ A ku mibunda Yakwe John Quartz’ waka ponesegwa.”

Wa kati, “Nda cibona.” Elyo Mwami waka muponya. Mwabona?

<sup>99</sup> Kobala zina lyako muli ndilyo. Wa kayaswa nkambo ka nsotoko zya William Branham. Wa kacuzulwa nkambo ka milandu ya William Branham. Wa kacitila ndime eco, alimwi Wa kacitila nduwe eco. Kobala zina lyako muli ndilyo.

<sup>100</sup> Ee, eyo ne nzila Nje botelwa kuleta Magwalo ku bantu bangu—bangu, ngu ceeco Nca kacitila muntuumwi umbi waka Mu swiilila. Eco Nca kacitila muntuumwi umbi cakali ca bwini ku Kaambo, alimwi eco Nca kacitila muntuumwi umbi tee cakali cabwini ku Kaambo, mpawo kobala zina lyako muli ndilyo. Ikuti nokaliko okuya, ino nkwiima kuli buti nkokalino tola? Elyo yeeya, uli jisi coolwe, sunu, ca kubweza musyobo nguonya wa kwiima.

<sup>101</sup> Cindi, Nowa, ku sampu lya Ijwi kuti Leza wa kaambaula kuli nguwe. Nowa, kwakali sampu. Nowa wakapona mu bukkalo bwa sayaansi, oko kuzwidilila kwa sayaansi nkoba kali kukonzya kupanga, bakali kwiindilila cili conse nco twa kapanga sunu. Ba kali basongo loko, bapampu maningi. Sayaansi yabo yakali sumpukide kapati, kwiinda yesu. Elyo amuyeeeye buyo, wa kacita kuzunda sampu lya Ijwi ndya kali kukambauka, myaka ili mwaanda makumi obilo, ku meso a basikusabula. Inzila zyabo zipati zya sayaansi zyakatondezya kuli mbabo kuti kwakanyina mvula mu milengalenga. Pele, nekubaboobo, Nowa wakamvwide Ijwi lya Mwami, alimwi Lya kali liimpene ku muzeezo wa Ndilyo. Aboobo, buumi bwakwe kabutana konzya kufutulwa,

weelede kwiima ku meso a kuyumuna sampa lya basikusabula aba kwinda kuli mbabo kusampaulwa.

<sup>102</sup> Oh, kwiina kuzumbauzya, kweelede kuti bakausila mukambausi wakaindi mucete. Teeba kamubikka ambali na cimwi nkaambo ndiza tii kwakali maanza manji aa musyobo oyo mu buzuba obo. Ta kali sikunyonyanya. Ta kali kuyo nyonganya muntu, aboobo baka muleka buyo alikeke. “Kozumanana, sikwiindilizya mudaala kutala okuya ku lubazu lya cilundu eco, kayaka nzila ya bwaato awa atakwe maanzi. Oh, ee, mulombwana mudaala mucete! Pele,” a kwaamba, “nkokuli nkoya kujana maanzi ako, akwiimpaula bwato bwako, Nowa?”

“Ayo seluka kuzwa ku milengalenga.”

<sup>103</sup> “Bufuba. Tula konzya kuya mwezi a nyenyezi, kubelesya redar,” kufumbwa nzoba kajisi. “Taakwe mvula kutala okuya.”

Pele wa kati, “Leza wakati Uyo bikka imwi kujulu akuya.”

“Mbobuti Mbwayo cicita?”

<sup>104</sup> “Ayo makani akwe. Cintu biyo nce Nde elede kucita nku mucenjezya kuzwa awa.”

<sup>105</sup> Ku tandila buyo bubonya lino. “Nkokuli mulilo nkouzwida?” Mukwesu, cila antangalala loko aniini sunu kwinda mbo cakabede ku ciindi ca Nowa. Tu bwene kale awo mpo cibede. Cilaafwi buyo kuuma kweenda, kwa mana. Sayaansi ijisi kale... Kwiina ntamizyo ciindi ecino, nkaambo sayaansi yaka cijana kale. Iiyi, munene.

<sup>106</sup> Aboobo lino tu jana kuti caali cintu cikubwene. Aboobo bakalimvwa kuunsa ku mukambausi mudaala mucete, a kumuleka buyo kuunka. Ca kali cintu ceenzu, dinza, kuli balo bantu, ku yeeya kuti muntu oyo wakali kweelede kuba mupampu, a kusyoma kuti Leza, Mulengi wa majulu a nyika, uyo cita cintucimwi na kwaamba cintucimwi Nca kali kuyocita, eco cakaimpene ku nzila yabo ya kuyeeya, njo baka jisi. Ndiza tee mwacimvwa. Amulange. Wakali... Ba kayeeya kuti bakali kukonzya kutondezya cintu acimwi cabulenge kwinda ku sayaansi yabo. Ikuti na tauli musyobo wa inyika njo tuponamo sunu, inyika, ya lwiyo ayabupampu iizwide sayaansi! Alimwi kufumbwa nco bakali kukonzya kutondezya, kuti cakali lubide, ya Leza... “Peepe Leza takakonzya kusola kwaamba cimwi eco (cakali) kukonzya utondezegwa kunzila ya sayaansi kuti tii cakaliko.”

<sup>107</sup> Lino, bali jisi muzeezo nguonya sunu. Ikuti na dokota wako waamba kuti ujisi kkulenge, weelede kufwa, a sayaansi yatondezya kuti ujisi kkulenge, alimwi lili mu ciimo cisumpukide, ca bufuba kuyeya cimwi caandeene, nkaambo uyo fwa; kwa mana. Sayaansi yaamba kuti uyo fwa. Ba kakulangalanga, nkabela nku koonse kuli ncico. Uyo fwa. Elyo bayeeya kuti nkusondoka na usola kwaamba kuteeti Leza

wakasyomezya kucicita. Mwabona, mbuli mbo kwakabede, weeleda kuzunda sampa eelyo.

<sup>108</sup> Ba lati, ikuti na dokota waamba awa, “Twa kalanga moonse, alimwi kkulenge lili sumpukide. Twa ka kujula. Lili mu mubili wako oonse, alimwi mu moyo wako oonse, mu mapunga ako oonse, ku muni wako oonse, koonse kumabazu. Ta cikonzeki.”

Aboobo, yebo wabona, cindi waamba kuti, “Pele uyo pona, nekubaboo.”

Ba lati, “Ee, mulombwana uutakweankwaya, komuleka buyo alikke.”

<sup>109</sup> Nda yeeya busiku. Bill Hall, Mukwesu Hall kumusanza ku mbungano yaku Milltown, bunji bwanu mula iyeyea nkani. Elyo cindi na... Ba kandi tumina. Mukaintu wangu, bamamazyala a Mebo, ainka awa. Wa kakwata musimbi oyo wakali mucizi, Ndi syoma kuti kuli George Cupp, wakali meya wa dolopo, na mubetesi okuno. Yakwe... Oyo wakali mulamwe wakwe. Ba kamuleta kutala okuno kuzofwa. I dokota mu Milltown, dokota mu New Albany, wakalangalanga kaambo kakwe kuba kkulenge zyaku muni. Aboobo Nda kaselemuka kuyo bona Muka. Hall. Elyo waka yambukilwa bulwazi bwa jundisi, alimwi wa kali yello koonse. Elyo Nda kati, “Ee, Ndi yeeyela kuti uyo fwa.” Elyo Nda kati...

<sup>110</sup> Waa kati, “Mukwesu Bill, sena kuli nzila ijisi... Sa inga wamvwa kuzwa kuli Leza?”

Nda kati, “Ta-Ta ndizi, Mucizi Hall. Nda konzya kukomba.”

<sup>111</sup> Nda kapaila. Elyo Nda kapilukila ku muunzi, elyo Mwami ta kaamba cintu kuli ndime. Mpawo Nda kapiluka, buzuba butobela, nkabela Nda kapaila alubo.

Elyo waa kati, “Sena kuli dokota umwi ukubwene?”

<sup>112</sup> Nda kati, “Ee, dokota wesu wa mukwasyi ngu Dr. Sam Adair, anselelo awa mu Jeffersonville. Ngu—ngu—ngu... Wisi wakali dokota wesu wa mukwasyi. Young Sam a Mebo lyoonse twakali balongwe bamunsi, alimwi—alimwi twa kaunka ku cikolo a ciindi comwe, ka komezegwa antoomwe. Tula unka kuli nguwe lyoonse cindi cimwi calubila.”

Waa kati, “Ndalibuzya ikuti na inga waboola kuzo langa Hall?” mulumi wakwe.

Nda kati, “Nda mubuzya.”

<sup>113</sup> Ee, Sam waka ndaambila, wa kati, “Billy, ikuti na dokota waamba kuti wa kajisi kkulenge,” kati, “kuli cintu cimwe biyo, Nda mutumina ku muntuumwi musongo kwinda Ndime, kuli dokotela wabumwi. Elyo tuyu tola ekisi reyi; nkabela ta tuko mubikka kunsi lya penzi limbi pe.”

<sup>114</sup> Twa kaunka ku New Albany a kucita ekisi reyi kuzwa kuli dokota anselelo alya. Kamutola ku Louisville a kumu langalanga, kamutola mu ambulensi, a kumu josya.

<sup>115</sup> Ee, mubwini, ta kakonzya kwaamba kuli Muka. Hall penzi lyakwe mbo lyakabede. Wa kati, "Uyo fwa," kati, "mweenzinyoko mukambausi." Kati, "I dokotela wabumwi mu Louisville wakazawa kundi tumina, a kuti, 'I kulangalanga bamadoka nko bapa—bapa...kumusanza mu Milltown; a dokota, New Albany; wakapa musyobo ululeme wa kulangalanga.'" Elyo kati, "Ndi kkulenge lya muni, alimwi lili sumpukide. Elyo, Billy, ta tukonzyi kukosola muni wa muntu, nkabela kacipona." Kati, "Uyo fwa. Alimwi ikuti na mukambausi, weelede kulibambilila."

<sup>116</sup> Nda kati, "Oyo tauli mubuzyo. Pele ikuti na taindi kutandila myaka yakukomena ili makumi osanwe ayosanwe, nkokuti uci jisi buumi bunji uli nguwe, bwa kukambauka." Elyo Nda kati, "Ee, ukuti na uyo fwa, eco cila cibamba mpawo. Nda lumba, Dr. Sam."

<sup>117</sup> Elyo Nda kaya kumusanza akuyo tumina Muka. Hall, nkabela Nda kamwaambilila. Nda kati, "Muka. Hall, Sam wakaamba kuti kulangalanga kwa Louisville kwakali mbubonya akwakali mu New Albany a Milltown. I muntu uli mukufwa. Mukwesu Hall uyo fwa. Alimwi ujisi kkulenge ku muni, alimwi lili sumpukide."

<sup>118</sup> Elyo aboobo waa katalika kulila. Nda kavuuluka, kapaila anguwe. Elyo ta kakonzya kulijata mwini loko, mpawo, mane ta kazi kuti Nda kali mu kaanda.

<sup>119</sup> Aboobo, Nda kapiluka. Elyo bantu banji baka boola ku ng'anda, mu mazuba ayo. Taakwe muntu umbi wakali kubusena bumbi bwancito. Tee bwakalina sofwaazigwa maningi, elyo bantu bakali kuboolaa kuzwa kumasena oonse.

<sup>120</sup> Nda kali kuyanda kupumuna asyoonto. Aboobo Nda kayuba mukati, kabuka cakufwambaana, kutandila tuu theeti, na thrii okuloko. Mukwesu Wood takalina tanta mu kagwaga. Elyo Nda kalanga mu mugwagwa wandeke, nkabela kwa kanyina, taakwe umwi wakaliko, aboobo Nda kabweza ngowani yangu yakale a kuyubila mu kampetu, a kubweza .22 raifo yangu. Alimwi Nda kali kuunka kubusena kuyo vwima basikaale, mane yaka tandila kuba eiti okuloko, alimwi mpawo kulala munsi lya cisamu kubusena bumwi a kulijanina koona asyoonto. Nota kakonzya kuzijana ku muunzi.

<sup>121</sup> Nda kabweza ngowani yangu a kutali kweenda mu kaanda. Cakali kulengelela aa bulambo lyakali apele. Elyo lya kali i—i kutandila kuba apele lyakabola. Lya kaligwa mvunyu, alimwi lya kali zikoto loko, alimwi lyakali azikwa koonse. Elyo Nda kayeeuya, "Ino Meda wa caanzikila nzi aa bulambo?"

<sup>122</sup> Elyo Nda kabona, alubo, nkabela tii cakali aa bulambo. Ca kali kulengelela mu luwo. Nda kadikimuna ngowani yangu yakale, kabikka raifo ku kkona, akuwida aa mazwi angu. Nda kati, "Mwami, ino ncinzi Nco yanda kuti mulanda Wako azibe?"

<sup>123</sup> Kunselelo kwakasika limwi, kunselelo kwakasika limbi, mane kutandila maapele one na osanwe (Nda luba lino buyo mbwa kabede) kalengela alya. Mpawo apele pati, ncobeni libotu, myeengo ali ndilyo; apele pati maningi, liboneka kabotu, kaseluka kumwankila ayo mapele akali kuboneka kubwezelwelwa. Elyo Wa kati, "Buka. Koima ku matende ako." Kati, "Koya, kaambile Bill Hall, ta kafwi pe. Uyo pona."

<sup>124</sup> Oh, Nda kazusa cakufwambaana mbuli Mbwe kakonzya, nkabela Nda kati, "Muka. Hall, Ndi jisi MBUBOOBU MBWAAMBA I MWAMI. Uyo pona." Elyo wa kandimvwa. Elyo wa kali kusola kulila, nkabela ta kacili kukonzya kukanana.

<sup>125</sup> Nda kapiluka a kutumina Sam. Elyo Nda kati, "Sam, mukwesu—wesu uyo pona."

Wa kati, "Mbobuti mbwakonzya kupona kali boobo?"

<sup>126</sup> Nda kati, "Eco tacili cangu ku kumvwisy. Leza wakaamba boobo. Eco cacibamba."

<sup>127</sup> Ula pona asunu. Oko kwakali kutandila myaka ili kkumi yakainda. Muyumu a wanseba mbotu nconyzo. Mukaintu wakwe wakafwa kuzwida eelyo. Wa kakwatulula.

<sup>128</sup> Mbobuti mbo ciya kucitika kuli George Wright, aambi banji mbo tu konzya kwaamba, mbo tunga twaita? Ino ncinzi? Nku zunda sampa. Bala seka a kufubaazya.

<sup>129</sup> Nda yeeya cindi kakutanaba zambangulwe lya mu '37. Ta kaima alya a Falls City Transfer Company, elyo ndakali kubaambila kuti, kuyooba meenda ayosika ku tukokola twa makumi otatwe atubilo, Nda syoma mbo kwakabede, ku Kagwagwa ka Spring. Ba kandi seka. Ba kati, "Uutakweankwaya Billy. Nda yeeyela wa...Oyo mwana!" Nda kali mulombe buyo cindi eco. Wa kati, "Billy mwana mubotu. Mause kuti wa kanyongana loko." Nse kanyongene. Nda kabbizigwa *mukati*, kutali kunyongana. Nda kali buyo "mukati." Elyo caka citika buyo munzila eyo.

<sup>130</sup> Mbokunga Nda kali kukanana, Nda kaziba Mucizi Hattie Wright, Nda syoma, uukkede kusule okuya. Ula yeeya nkani eyo ijatikizya Bill Hall. Banji. Mbangaye awa, baliko kuseeni oku, bayeeya inkani? Oh, ma! Masimpe. Kuli banji ba ndinywe.

<sup>131</sup> Lino, batu fwida nsoni, bafwa nsoni ku muntu usola kujatilila ku Ijwi, mu mazuba a basikusabula. Pele, amuyeeye, sampa lyeelede kusika. Kwakali boobo lyoonse. Kweelede kuti bakayeyea, mbuli mbo bakacita kaindi, kuti Leza, kumane cili conse ncaka tondezegwa munzila ya sayaansi, kuti Leza nata kaamba cimwi eco cakali kulwana sayaansi. Ee, eco nceci

Mu bamba kuba Leza. Ikuti Na keenda buyo kweendelena ku sayaansi, mpawo nicatakaba uyo cita eco muntu nca kakonzya kuzwidilizya. Pele, Ngu Leza. Walo i—Wa Mulengi wa sayaansi. Ula konzya kucita cintu Nca yanda.

<sup>132</sup> Kweelede kuti bakayeeya, “Uutakweankwaya Nowa mudaala, ee, amu muleke buyo alikke mulombwana mudaala. Uli mukwiimpya kusobana koonse no tujisi mazuba aya, aboobo amu muleke buyo alikke.” Citandila kuba mbubonya lino.

<sup>133</sup> Pele, lino Ndi yanda kwaamba cintucimwi ciimbi mpoonya awa. Lino, tula cebuka a kunyomenena lusyomo lwakwe. Pele Nda libuzya, ikuti ni twakapona mu buzuba obo, sa ni twa kabweza kwiima nkukonya oko Nowa nkwa katola? Sena ni twa kakonzya a kuyanda kuzunda sampa lya keenda Bwini? Cindi, oonse mamilioni akali mu inyika eelyeo, kwakali biyo Nowa a mukwasyi wakwe bakaiminina Bwini obo. Sa mwa ciyeeya? Muntu oyo buyo a bana bakwe balombe botatwe, a bamukabana bakwe, mukaintu akwe, bakali balikke bakaiminina Bwini obo. Pele ba kajisi MBUBOOBU MBWAAMBA I MWAMI. Tula cebuka a kumu nyomenena. Sa inga twa ciyeeya alubo?

Nde elede kubinda kaambo ka bana aba baliko.

<sup>134</sup> Abrahamu, bbala ndilyonya *Abrahamu* lyaamba “taata wa banji,” ku mubamba “ii taata wa masi.”

<sup>135</sup> Lino, Abrahamu wakamvwa Ijwi lya Leza. Abrahamu wakali muusinsimi, alimwi wa kavwa Ijwi lya Leza. Elyo tula munyomenena Abrahamu ku kaambo kakujata kwakwe ku Ijwi lya Leza; obo mbwa kalipambula mwini kuzwa kuli basimukowa bakwe; obo mbo cakali ciyumu kuli Abrahamu. Wa kaletwa kutala okuya. Wakaseluka kuzwa ku Babelo, alimwi—alimwi wakali kunseleo okuya mu nyika ya Shinar a i—i—i ba Chaldiya, mu muunzi wa Ur, oko balongwe bakwe boonse, bantu bakwe, abaabo mba ainka limwi ku cikombelo, a zintuzyonse. Pele Leza wakati, “Kolipambula omwini.” Oh, ma! Ino cakali cintu ciyoosya, kusiya zyonse nzya kujisi cakuyandisya, zintuzyonse zyakali ziyandisi kuli nguwe, nzya kajasi cakuyandisya. Elyo Leza waka mwaambila kuti, “Kolipambula omwini.”

<sup>136</sup> A kumupa cintu cigambya kapati. “Uya kuba a muvwanda kwiinda ku mukaintu wako.” Alimwi wa kali makumi ali ciloba aosanwe, alimwi walo waa kali makumi ali cisambomwe ayosanwe. Kwakali manide kuli nguwe mbuli banakazi, mbuli bweende bwa banakazi kuti wakali kuyo zyala bana, kwa myaka. Elyo okuno, nakamana kupona anguwe kuzwida eelyeo nakal musimbi, nkaambo waa kali mucizi wakwe kucibela cimwi, elyo mpawo mbobuti mbwa kano konzya kusola kuzyala mwana oyo? Elyo lino inga mwezeezya Abrahamu kaunka kukuba akati ka balongwe bakwe, elyo kaamba kuti, “Tuya kuba a muvwanda, Sarah a Ndime”? Sa inga mwezeezya ceeco?

<sup>137</sup> Baa, bantu bakati, “I mulombwana mudaala uutakweankwaya, kuli cintucimwi cilubide kuli nguwe.”

<sup>138</sup> Ndi sampa, pele Abrahamu waka jatilila kuli ndilyo. Alimwi cindi na kali myaka ili mwaanda yakukomena, ta kazuungaana ku cisyomezyo ca Leza. Wa kacili kulizunda sampa, masimpe, kajatilide kuli ndilyo.

<sup>139</sup> Sena mwabona lwandaano omuya? Sarah wakasola kupa Abrahamu, na kupa Leza, mubwiini, lugwasyo luniini, lwakwe alikke. Waa kayeeya, yebo ulizi, kuti, bumbi kuli eco Leza ncaka syomezya. “Lino, yebo ulizi, Ndili mucembele, pele Hagare ngooyu mwanakazi mubotu. Abrahamu tako kaka kumukwata, awalo. Aboobo, yebo ulizi, eco ciyo—eco ciyo gwasya Leza. Eco ciyo gwasya Leza, nkaambo Hagare, okuno, antele uli biyo myaka ili makumi obile yakukomena. Walo mubelesi wangu. Alimwi sena ulizi Nceyo cita? Nda mupa ku mulumi wangu, kuba mukaintu,” nkaambo maali kali kuzumizigwa. Aboobo wa kati... “Nda mupa, nkabela uyo ba a muvwanda kwinda ku mulumi wangu, elyo mpawo Njo bweza muvwanda. Oyo ngo nguwe, Leza wakasyomezya.”

<sup>140</sup> Nywebo mwabona, lyoonse tusola kucita cintucimwi; konzyi ku Mu lindila. Twe elede kucita cintucimwi, lwasu. Kwayanda kwakali kabotu. Antela wakali mubotu-loko. Ndiza cakali kuboneka kabotu maningi, pele tii cakali kweendelana ku Ijwi. Leza wakaambila Abrahamu, “I muvwanda uyo boola kwinda kuli Sarah.”

<sup>141</sup> Mula yeeya na eco Nca kaamba kujatikizya Butanga buniini? “Ezi zitondezyo ziyo batobela abo basyoma.” “Mbuli mbo kwakabede mu mazuba akwa Nowa, mbubonya mbo kuyooba mu kuboola kwa Mwana wa muntu, Omo bace, abalo bantu bali lusele, baka futulwa.” Ayo Majwi taakonzyi kukakilwa, aboobo atu lilangilile kabotu tobeni a kukkanala a Ijwi. Ncibotu. Mwabona?

<sup>142</sup> I bantu lyonse basola kupanga cintucimwi, ca kubweza busena bwa luyando lwa Leza. Nywebo mwabona, mbuli Mbwe amba kanji kuti, alimwi ndiza kumbele lya mbungano, kumbele, nywebo mulizi, inga tolomba mbelele kuti, “Sena ulandi pangila boyabwambelele bumwi?” Peepe, ta ikonzyi kucita ceeco. Lino, mpongo taikonzyi kupanga boyabwambelele, nkaambo bupange bwayo tabu kaizumizyi. Takukwe makani obo mbo sola kwaanga boyabwambelele a mpongo, ta cikabeleki. I mponga taikonzyi kupanga boyabwambelele, alimwi mbelele taipangi boyo. Pele ijisi boyabwambelele nkaambo ni mbelele. Eco nce cipanga. Ta pangi.

<sup>143</sup> Ta tweede kupanga micelo ya Muuya. Twe elede kuzyala micelo ya Muuya. Cisamu ca apele ta cikonzzi kupanga maapele; caazyala buyo nkaambo ncisamu ca maapele.

<sup>144</sup> Alimwi ikuti na twa sola kupanga cimwi, “Cijo gwasya Kaambo. Njo iya kwa myaka ili makumi obilo mu seminari. Njo iya eci, eco, na i cimbi, a kujana yangu Bbacela ya Arti a digrii lyangu lyabu Dokotela. Njo gwasya Mwami, ndelikke.” Ta cikabeleki.

<sup>145</sup> Leza, kwinda ku kukanza, ulaita abo Mbä yanda. Ula pa Bwami kuli oonse Ngwa yanda ku Bupa. Twa kaiya eco kwinda kuli Nebukadinezara.

<sup>146</sup> Twa kaiya eco kwinda—kwinda kuli Jeremiya. Cindi Leza naka mwaambila eco kwinda ku Ijwi lya Mwami, kuti kuyooba cindi eco Israyeli niyo tolwa mu Babuloni kwa myaka ili makumi ali ciloba. Mpawwa kwakasika musinsimi umbi. Wa kamwaambilide kale, kuti, “Lino, uyooba a basinsimi. Alimwi uyooba ambabo kumusanza okuya mu Babuloni, bayo buka, a basimaloto a basinsimi, bayo sinsima bwiimpene kuli Ceeci. Pele kabaambile bantu kuta swiilila abo basinsimi.”

<sup>147</sup> Elyo kwakayutuka muntu wa zina lya—lya, umwi wa basinsimi, Hananiya. Elyo cindi Jeremiya nakaimvwi a jokwe atala lya nsingo yakwe, kwakayutuka Hananiya, wakati, “MBUBOOBU MBWAAMBA I MWAMI; Mu myaka yobilo izwide, zyoonse zilongo zya munyika...” Lino, cambaakan, cakalibonya kabotu loko. ‘Leza uyo longezya bantu Bakwe. Uyo josya zintuzyonse mbubonya buyo, mu myaka yobilo.’

<sup>148</sup> Elyo Bbaibbele lyakati, naba musinsimi Jeremiya wakati, “Ameni. Ameni. Hananiya, akube kuti Mwami azulizye majwi ako. Pele atu yeeye cintucimwi, Hananiya. Kwakali basinsimi kumbele lyasu, alimwi bakasinsima kulwana masi mapati aa lumamba azimwi zimbi. Pele, amuyeeye, musinsimi ulazibya cisinsimi cakwe camana kuyubululwa.” Mwabona?

<sup>149</sup> Mpawo Hananiya wakaboola, wakakwempa jokwe kuzwa ku nsingo ya Jeremiya, kumbele lya bapaizi a mbunga yoonse, ndiza bantu bali milioni a cisela. A kabweza jokwe eelyo Leza ndya kabikka aa nsingo ya Jeremiya, kuba citondezyo, a kulyolya mu tubeela, a kuli sowela ku matende akwe, kabotelwa buyo loko, a kuti, “MBUBOOBU MBWAAMBA I MWAMI; Mu myaka yobilo, bano pilukide.”

<sup>150</sup> Jeremiya waka mulanga buyo. Cakaliimpene ku Ijwi, aboobo wa keenda buyo kuzwa. Elyo Leza wakati, “Kojokela ukamwaambile,” kati, “Nse kaambaula kuli nguwe.”

<sup>151</sup> Wa kabotelwa maningi. Wa kabweza tuyeeeyo wakwe. Mwabona? Ta kalindila kusikila ka cibona a ku ziba kuti takali nguwe, kuti wa kali Leza ka caamba. Wa kapiluka, kaboteledwe maningi. Ikuti...

<sup>152</sup> Tula cijana, cisi coonse, sunu. Imwi ya mateepu esu yakali kuzizigwa calino mu ng’anda, oko nkamu ya bakutausi nkoba kalamwa mpoonya awo, nkabela bakali kuboola kuzobbizigwa mu Zina lya Jesu Kristo. Elyo muntu wakabuka kukaanda, oyo

waakanana mu myaambo a kuti, “MBUBOOBU MBWAAMBA I MWAMI. Amu jatilile kuli ncomu jisi. Amu zumanane buyo, kuyabuya, nkabela Njo mulongezya.”

<sup>153</sup> Ba kati, “Ee, ikuti na Mwami waamba ceeo, Ndi yeeyela kuti mbo cibede.” Nywebo mwabona, ti cakalangwa langwa ku Ijwi. Ceelede kubweza Ijwi, lutaanzi. Mpaawo we. Ca kaliimpene ku Ijwi.

<sup>154</sup> Mpaawa kwakapiluka Jeremiya, oyo musinsimi wakananikidwe. Leza waka mwaambila, kuti, “Ndi lizi kuti Hananiya wa tyola jokwe lya cisamu atala lya nsingo yako, Nde kabikka, pele Ndiyo panga limbi lya butale.” Wa kati, “Alimwi oonse aya masi akainka kumusanza kuyo belekela Nebukadinezara, mulanda Wangu,” nkabela wa kali muhedeni. Mwabona? Elyo Israyeli, kuibamba zituuzyo zyayo zyonse, pele teebea kali... Mwabona?

<sup>155</sup> Leza wakapanga cisyomezyo, kuti Uyo leleka, pele zilongezyo zili kunsi lya ziimo. Elyo weeleda kukkwanya ziimo ezi, kuibamba ceeco kubeleka.

<sup>156</sup> Nkekкkede, kaindi kainda, a musimbi, mubotu munini awa. Lutaanzi, Nda kabambilula mukwasyi oyo, ku bona kuti na kwakali cimwi clubide. Leza uyo ponya, kunsi lya ziimo. Mwabona? Cintu biyo Nce kajana, baama bakali kuyoowa uti cakalilubide kunywa musamu. Nda kati, “Uta yeeyi ceeco, mucizi. Kogusya ceeco kuzwa mu mizeezo yako. Kozumanana ncobeni a mwana. Komupa musamu. Leeza uyo zibya ceeco.” Mwabona?

<sup>157</sup> Lino, pele, cintu ncakuti, kojana, koziba. Alimwi mpawo, ikuti na ngu MBUBOOBU MBWAAMBA I MWAMI, kuliluzi.

<sup>158</sup> Lino tu jana kuti awa, aba bantu, ba kalikusola kupanga cintucimwi; Hagare a—a Sarah, kugwasya Abrahamu, kugwasya Leza kuzulizya cisyomezyo Cakwe kuba kasimpe. Yebo tokonzyi kucita eco. Takukwe nzila, pee, ya kucicita. Ci—ci lwana zintuzyonse. Ijwi lya Leza liyo citika, nekubaboobo. We elede kwiima kabetu aa Ijwi, a kwaamba, “Cili munzi eyi,” a kuibamba Ijwi. Lino amulangilile, kupanga cintucimwi cakutola busena bwa Ijwi Lyakwe!

<sup>159</sup> Ndiza beenzinyina ba Abrahamu, abalo, ikuti na twa sola kubonesya, ndiza beenzinyina ba Abrahamu bakasika kumbali a kuti, “Ee, taata wa masi, mbangaye ban mbo jisi lino?” Kakuli wa kali myaka ili mwaanda yakukomena. “Kwaamba, taata wa masi, taata wa banji, mbandaygaye bana mbo jisi lino?” Basikusabula!

<sup>160</sup> Ino, sena mwa cibona ciindi? Sa twa cibona, kakuli ziindizimwi tu kombele cintucimwi, tii cakacitika?

<sup>161</sup> “Mpaawa kukkede mudaala,” balaamba. “Walo moofu. Musinke matwi. Ngu syataambi. Ula ciswa. Wa kacita ceeci.

Kamuya kokuya a kumuponya, nywebo nobasikuponya ba Buleza. Tuyo cisyoma.”

<sup>162</sup> Sena mula mwisya kuti oyo ngu dyabulosi nguonya wakati, “Koseluka kuzwa ku ciingano, nkabela Njo Ku syoma. Sandula mabwe aya abe cinkwa, nkabela Njo cisyoma”? Mwabona? Oyo dyabulosi nguonya wakaanga kasila ku meso aa Mwami, aku Mu uma ku mutwe a kasamu, a kuti, “Lino, ikuti na Uli musinsimi, twaambile Wa kuuma, nkabela tuyu Ku syoma.”

<sup>163</sup> Ee, mulizi Wa kali oyo waka Mu uma. Na kakonzya kusandula mabwe ayo kuba cinkwa. Nanka, Na kakonzya kuseluka kuza ku ciingano. Pele ino ni twa kaba buti ikuti Na kacita? Mwabona? Tii bakazyi mabambe aa Leza. Mweelede kuziba eco Leza nca kasyomezya.

Lino Nde elede kubinda.

<sup>164</sup> Lino, ino, lino bakati, “Taata wa masi, twa kakumvwa, kwa myaka ili makumi obilo ayosanwe yakainda, kwaamba kuti wakali kuyooba a mwana kwinda kuli Sarah, alimwi kuzwa kooko kwakali kuyooba masi aa bantu. Mbangaye buyo bana mbo jisi ku ciindi eci, taata wa masi?” Huh! Mwabona? Oyo muuya nguonya wakaindi wakukazya unga wakazya.

<sup>165</sup> Ino Abrahamu wakacitanzi? Kati, “Ta kazungaana aa cisyomezyo, kwa kutasyoma.”

“Baa, awa wakakombela *Niini-a-niini*, nkabela tiba kaponesegwa.”

<sup>166</sup> Eco tacikwe makani. Ikuti na Nda kombela bali zyuulu zili kkumi, nkabela bali zyuulu zili kkumi bafwa kuseeni, juunza masiku Ndi cino nanika baciswa a kuba kombela. Leza wakaamba booboo. Eco tacicilesyi, nokuceya. Leza wa kacisyomezya. Ndila cisyoma. Nincobeni. Ta cibambilwandaano lumwi eco nco baamba, nekuba. Pele, bayo sabula. Eelyo ndi sampa lya Ijwi.

<sup>167</sup> Abrahamu, kaimvwi aa Ijwi lya Leza, kumalekelo Lyakwe kazulizigwa. Oh, ma!

<sup>168</sup> Amulangilile busabuzi ku busundi. Mu kusabulwa, a sampa lya busundi, lutaanzi. Ba kajisi... Waa kacita kuzunda sampa lya kutazyala kwa myaaka yoonse eyi. Waa kali kutandila ku myaka ili mwaanda yakukomena. Waa kali makumi ali fuka, a Ijwi lya Leza lya kaamba kuti uyooba *sibwami* akwalo, banyina wa mwana oyu. Elyo walo a Abrahamu, mibili yabo—yabo bobilo yakali mbuli ufwide, pele nekubabooobo teeba zumbaunya Ijwi eelyo, aniini. Pele ba kacita kuzunda ceeco, lutaanzi. Elyo mpawo, aleluya, Leza wazulizya Ijwi Lyakwe, mu oora eelyo lisiya: Izaka waka zyalwa. “Elyo lunyungu lwakwe luli mbuli musenga wa lwizi na nyenyezei zyaku Julu.” Mwabona? Leza lyoonse ulaingula Ijwi Lyakwe. Iiyi. Busundi lutaanzi, mpawo Izaka.

<sup>169</sup> Zakariya a Elisabeti, mbubonya, oyo mudaalaa mucembele, kaba cijatilide. Elyo cindi Zakariya nakasika okuya, a kukonzya kulemba aa sileeti lyakwe, a kuti, "Walo Angelo wakandi swaana, kandaambila kuti Ndiyo zyala mwana kwinda kuli Elisabeti, mukaintu wangu mucembele okuno. Nse konzyi kwaamba kumbi. Ndime syataambi. Ndi nooli syataambi kusikila buzuba muvwanda akuzyalwa. Pele kuboola muvwanda, nkabela kuyooba musinsimi wa Sijulu. Uya kuzibya Nyenyezi yaku Bucedo. Ngu sikusolola wa Mesiya." Mbobuto mbo cikonzya kusola kuba?

<sup>170</sup> Bamwi bakati, "Uutakweakwaya mudaala. Oh, Ndi—Ndi yeeyela kuti ubaanga takkwene asyoonto mu mutwe wakwe, nywebo mulizi. Kuli cintucimwi cinini. Pele amulange Elisabeti mucembele okuya, katandila makumi ali lusele. Elyo, amulange—amulange—amulange Zakariya, mucembele loko akubimba, elyo mpawo uyooba a cintu cili boobu mbuli eco. Ee, uutakweankwaya mudaala oyo."

<sup>171</sup> Pele wa kajisi Ijwi lya Mwami. Sampu boobu, mane waa kalisisa mwini kwa mazuba masyoonto. Pele wa kakkala a Ijwi. Oh, ma!

<sup>172</sup> Kukaka mpuwo, kukaka muzeego wa mpuwo, kakazya bubotu bwa buzuba, a masitaelo a zintu zya buzuba bwabo. Ba kacikaka. Baa kaka kweenda a bbunga lya batasyomi. Baa kaka zintu zya inyika. Ba keelede kucicita, kukkanala a Ijwi lya Leza. Ba keelede kucicita.

<sup>173</sup> Mbulonya asunu. Amulipambule nobeni kuzwa ku zintuzyonse cita buyo nywebo a Leza. Tacili ceeco mbungano nco icita. Nceeco nco cita a Leza. Wabona? Walo nduwe, mbuli mugame. Iiyi.

<sup>174</sup> Pele amulange eco Leza nca kamupa. Cindi Jesu Mwini nakasika, Zakariya takacilik, Elisabeti, awalo. Pele cindi mwana wabo na kaboola mu nkanda, a MBUBOOBU MBWAAMBA I MWAMI, Jesu wakati, "Ta kuna zyalwa muntu kuzwa ku mwanakazi mupati mbuli mbwabede." Amen. Ncinzi? Waa kapenga ku sampu lya busundi. Waa kakkala a Ijwi, nkabela wakazyala mwana uli boobo.

<sup>175</sup> Mbuli Sarah wakale, mbuli Abrahamu wakale, banabukwetene bakale baka jatilila ali ncico. Amulange, banji abo bakazyalwa lyoonse, "mbuli musenga wa lwizi," takukwe mukowa wa bantu mu inyika munji mbuli bama Juda. "Mbuli miseenga ya maziba na nyenyezi zya mulengalenga." Ncinzi cakacitika? Ca kacitika mu bace, mwana omwe.

<sup>176</sup> Lino mwabona nko Ndi inka. Mwana omwe, nkukoonse nko cakatola. Ca katola mwana omwe kuzungaanya masi a kutondeka kuli Mesiya. Katola omwe, sikuswilila. Mbo mbubo. Leza uyandikana buyo muntu omwe. Nkukoonse Nkwa yandikana, kubusena kumwi Ngwa konzya kuba a jwi.

Nkukoonse Nkwa yanda, kujana muntu omwe mu bweendelezi Bwakwe. Oh, Mbwa yandisya kujana muntu omwe!

<sup>177</sup> Wa kajana Nowa, ciindi comwe. Wa kajana ii—Wa kajana Musa, ciindi comwe. Wa kajana ii—ii Jeremiyia. Wa kajana ii—ii Eliya. Wa kajana Elisha. Wa kajana Johane. Ula—Ula jana... Wa kajana Samusoni. Kufumbwa kuti Wa konzya kujana muntu omwe mu bweendelezi Bwakwe, eelyo ndi Jwi Lyakwe. Ula konzya kukanana kwiinda muli ndilyo. Ula konzya kupa inyika mulandu. Oh, ma!

<sup>178</sup> Obo Mbwa fwa nzala a a kutanta, ku jana muntu mu bweendelezi Bwakwe, "Kutegwa Nda konzya kukanana kwinda muli nguwe. Inga ndazibya Jwi Lyangu. Nekubakuti uyo iminina sampa, pele Njo zibya Jwi Lyangu." Mwabona? Oh, iifyi.

<sup>179</sup> Busundi, lutaanzi. Kaba musundi, kaba a kuzunda sampa lya busundi. Sarah wakacita ku buzunda. Mbubonya mbwakacita Zakariya a Elisabeti ku kucizunda.

<sup>180</sup> Amulange, sunu. Lino Ndila amba cintucimwi. Amulange sunu ku bana ba muvuule. Waa tola masi kunsi lya kulelwa kwa tunzenyu twa kabungwe, muvuule a bana bakwe basimbi. Amulange nzyalani ya tubungwe yakabuka, ambo bali bace balulami. Muta pengi. Amukkale a Ijwi. Kuli kabotu.

<sup>181</sup> Inga wasabulwa, waitwa kuti mubumbulusi uusalala. Inga waitwa zyoonse, kufumbwa musyobo wa zina bbi. Pele, kkala mpoonya awo, Ndi Ijwi, sampa lya Ijwi, cintu ncobaya kubandika.

<sup>182</sup> Ii mulombwana muniini, inga kali ano kuseeni oku. Walo mweenzuma; Jim Poole, muniini Jim, bantu bakwe—bakwe. Wa kabuzigwa buzuba bumwi. Ee, wa kabbizigwa okuno. Umwi wakati kuli nguwe, wakati, "Ikuti na uyo bbizigwa mu mbungano, nkaambonzi tojana mbungano mpati, cintucimwi?" Mwabona? Pele wa kabona Mumuni. Mbo cakabede. Mwabona?

<sup>183</sup> "Banji mbana ba bataluleme kwiinda baliko ba balulami." Inzya. Yaa. Mba syoonto buti, ba balulami! Amulange bace bakaliko mu buzuba bwa Nowa. Mwabona? Amulange mbo kwakabede ku mazuba akwa Sodoma. Mwabona? Ino mbace balulami!

<sup>184</sup> Mbangaye bana muvuule mba jisi! Walo uzyala buyo bana munzila yakaindi, pele boonse mbana bamusokwe. I muvuule uzyala muvuule. I mubwa uzyala mubwa.

<sup>185</sup> Alimwi Kristo uzyala munanike. I Bbaibbele lizyala balulami, aboobo twe elede kuzunda tuyeyeo wa kuba cikama cisyoonto. Ino ncintu caluzyalo mbocibede!

<sup>186</sup> Amulange mbungano mpati yaku Efeso, kwakali biyo bali kkumi ababili muli njiyo. Inzya. Amulange nkamu njo tujisi sunu, lubazu lwabo. Inzya.

Kwakali biyo bantu bali lusele mu mazuba a Nowa.

<sup>187</sup> Kwakali biyo bosanwe mu mazuba a Lota, peepe, bone; Lota a mukaintu wakwe, bana bakwe basimbi bobilo. Elyo wakasanduka kuba ndomba lya bbwé nakamana kuzwa, kwinda kukucebuka. Mukasimpe, botatwe bakazwa mu buzuba obo.

<sup>188</sup> Elyo Jesu wakati, "Mbo kwakabede mu mazuba ayo." Tuleelede kulangilila a kucenjela. Obo mbobali bace balulami! Pele, mbuli lyonse, basikusabula beeleder kusampula. I busu-... Kuzunda sampa lya busundi. Ma!

<sup>189</sup> Nde elede kubinda nconzyo. Ndili... Ta ndi... Yanda bana aba kujana lugwasyo. Amundi kkazikili buyo camba aniini. Mwabona?

<sup>190</sup> Bantu lyoonse bali mbubonya mbuli lyonse. Lino Ndila amba cintucimwi alubo. Alimwi Ndi yanda kuti mu... Alimwi Nse zyi naa uli mukuteping'wa, na pe. Pele na uli aa teepu, Nda yanda kuti mukandi swilile, nywebo aa teepu. Muta kaciimpyi, pele amuka cilangelange. Muntu lino uli mbuli mbwa kabede lyoonse. Walo ulumbaizya Leza kuli ceeco Nca kacita; kulangila kunembo eco Ncayo cita; akuabikila maanu kuli ceeco Nca cita a mukucita. Walo ulumbaizya Leza kuli ceeco Nca kacita; walo ulangila kunembo kuli ceeco Ncayo cita; pele tabikkila maanu kuli ceeco Ncali mukucita, elyo mpaawa mpa impya cinto coonse. Ndi syoma kuti ba cimvwa. Mwabona? Kutabikkila maanu kuli ceeco Ncali mukucita! Uli zyi eco Nca kacita; alimwi uli zyi cisyomezyo eco Ncayo cita; pele ula kakilwa kubona eco Ncali mukucita.

<sup>191</sup> Oh, nywebo noba Pentekoste, ikuti na tamuli mukozyano wa ceeco! Mu langila kunembo ku cintucimwi kucitika: mbuli lyoonse, kacitika nkonya kunsi lyanu, nkabela tamu cizyi. "Nkanji kanji buti Mbwa vumbilila, mbuli nkuku mboi citila bana bayo, pele tamu zumini." Mwa kayeeya kunji kwa tunsiyansiya twanu a tubungwe kwinda mbo mwakacita zya Ijwi Lyakwe a Muuya Wakwe. Iiyi.

<sup>192</sup> Ino ndi sampa kuli Mariya! (Mbuli mbo tujala.) Ino ndi sampa kuli Mariya a Josefa, nkambo ka Ijwi Lyakwe. Nciindi ca Krisimasi. Ndali kukanza kujatilila buyo asyoonto, pele moyo mvwa kunji kwa ncico aa redio akati ka beembeli, abamwi bambi. Ino ndi sampa kuli Mariya a Josefa kujatilila ku Ijwi lya Leza lya cisyomezyo. Amuyeeye, lino. Elyo kusabula, oko kwakasumpula zikoye zya meso, cindi niba kabona Mariya muniini kainda ambali, kubona Josefa. "Yebo ukwata sibwaamu." Mwabona? Elyo yeeya, mukwesu, mamambe lwaka lufu mu mazuba ayo. "Lino, umu tantamuna ku kujaigwa. Waa keelede kuba mutumbu kwinda kuli nduwe." Elyo, pele, yeeya, ciindi coonse, Leza wakali kubeleka ambabo, alimwi cakali mbuli Ijwi. Elyo tiiba kacizyi. Mwabona?

<sup>193</sup> "Ii nakalindu uyo zyala mwana." Josefa wakalizi obo. Mariya wakalizi obo, nkaambo, Ijwi nilyakamana kulembwa, kwakali

Angelo wakaambaula kuli mbabo, kasimpikizya, na kuyubulula Ijwi ndyoonya lyakalembwa, lya kali kuyo citika. Uta loti lino. Yeeya. I Muuya Uusalala wakaseluka a nyika; ta kaamba ku mbunga yoonse. Wa kaambaula kuli mbabo.

<sup>194</sup> Josefa wakalanga. Elyo Angelo katana muswaya, wa kati, “Ee, lino, Nda muyanda. Pele, Ndili muntu mululami. Nse konzyi kukwata mwanakazi mbuli oyo.”

<sup>195</sup> Elyo Angelo wa Mwami akalibonya kuli nguwe, mu ciloto, akuti, “Josefa, omwana wa Davida, uta yoowi kuli bwezelia Mariya mukaintu wako, nkambo eco cimitidwe muli nguwe nca Muuya Uusalala.” Oh, ma! Ino nkuumbulizigwa! Mwabona?

<sup>196</sup> Elyo Mariya, mulweendo lwakwe kuya ku mukalo. I nakalindu muniini, wakali kutandila myaka ili kkumi aciloba yakukomena, kkumi alusele, kukwatwe ku mwaalumi waka kwete kale alimwi waka jisi bana bone; mudaala. Elyo waa kali... Waa ka muyanda, alimwi—alimwi ta kazi kaambo. Alimwi wa ka muyanda, nkabela ta kazi kaambo. Elyo mbaabo mbo bakabede. Kababoola, kuya ku mukalo, kuyo teka maanzi, a koonse kulangalanga aa zintu nzya—nzya kali kuyeeya zya, Magwalo, kwiina kuzumbaunya, elyo mpaawo Mumuni wakamweka kumbele lyakwe. Cindi oyo Mumuni niwa kamweka, mpaawo kwakaimvwi Angelo.

<sup>197</sup> Sa ulalibuzya nzila Mariya muniini mbwa kalimvwa? Sena wakasola kuyeeya ceeco? Nda libuzya na wakalimva mbuli kuyoowa Nkwe kaba ako jilo.

<sup>198</sup> “Wabonwa, Mariya!” *Wabonwa* caamba cuti “ima.” “Bikkila maanu kuli Nceyo kwaambila. Ulacoolwe yebo akati ka banakazi, nkambo wajana luzyalo kuli Leza, nkabela uyo zyala Mwana. Mukutaziba mwaalumi, pele uyooba a Mwana. Alimwi mweneeniyokwe Elisabeti, mukuba mucembele, awalo, Waa kamita alakwe, nkabela uyo zyala mwana. Alimwi ezi zitondezyo ziyo cutwa.”

Waa kati, “Mbobuti ezi mbo ziyooba, kuziba, mukubona cuti Nse zyi mwaalumi?”

<sup>199</sup> Wa kati, “I Muuya Uusalala uyo kuvunikila. Eco Cintu Cisalala ciyo zyalwa kuli nduwe ciyo tegwa Mwana wa Leza.”

<sup>200</sup> Abalekwe basikusabula baambe eco nco bayanda. Wa kali cizyi. Waa kali cizyi cuti ciyooba, nkaambo Leza wakaamba boobo.

<sup>201</sup> Lino, obo mbwa keelede kulimvwa, obo buzuba bwa kusalazy, na kuboolela kupalulwa kwa Muvwanda, oko nkwa keenda kumbele a Muvwanda oyu muniini mu maboko akwe, mbuli *boobo*. Elyo boonse banakazi baka tantamuka, a milimo yoonse ya kusumya nyeleti, ku kusalazy a bavwanda ababo a ku bapaluzya, alimwi kutandila umwi aumwi kadonsa kabelele. Pele waa kajisi nziba zyobilo zya musokwe, zya kubambulula

kusalazigwa kwakwe mwini. I Muvwanda muniini kavungidwe mu zisila, zyakabambwa ku jokwe lya nsingo zya basune, jokwe, kuvunga ntunda ya basune. Ezyo zyakali zisila buyo mu cilido ca banyama. Taakwe ncoba kajisi ca Nguwe. Ba kali bacete maningi. Elyo mpaawa waa kaimikila.

<sup>202</sup> Kwiina kuzumbauzya, boonse banakazi baka tantamuka kuzwa kuli nakalindu muniini. Kati, “Wa bona, ujisi mwana wa musokwe.” Mwabona obo Leza mbwa bamba zintu kulibonya bupya akoongelezya. Oh, ma! Walo uvumba buyo boyabwambelele nkoonya ku meso aa Saatani. “Obo mbocili cisofwi! Obo mbocili cisofwi! Mamambi. Obo mbwa bede. Ngu simamambi.” Eco tee cakalesya oyo moyo wa Mariya kuduntaana. Ba kazumanana ku Mu tantamuka.

<sup>203</sup> Ba cicita cintu nciconya, ku Mwi ita lino kuti, “Mubumbulusi uusalala, na sikwiindilizya,” na cintucimwi.

Mariya wakalizi Mwini wa Muwwanda. Waa kazumanana buyo, mbubonya buyo.

<sup>204</sup> Pele, oh sa teeba keelede kuziba cindi, Simioni, kakkede kusule ku kaanda, wa kasyomezegwa? Wa kazunguluka, kasinsima. Wa kati, “I Mwami wakalibonya kuli ndime.” Elyo wakati, “Nse kaboni lufu . . .” Alimwi wa kali makumi ali lusele abumwi ciindi eco. “Nse kaboni lufu Nke tana kubona lufutuko Lwakte.”

<sup>205</sup> “Oh, Simioni, uli mudaala, mulombe. Yako—yako . . . Muntu mudaala wa kabaanga wapusya mutwe wakwe, nywebo mulizi, uli aniini . . . Amu muleke buyo alikke. Ta nyonganyi. Ta kanyonganyi muntu.”

<sup>206</sup> Pele Simioni waka jisi Ijwi lya Mwami, wakati, “Nda kabona Muuya wa Leza kuuseluka ali ndime. Nda kaimikila aku Mu langa. Wa kandaambila, ‘Simioni, wali muntu mululami. Elyo to ka . . . Njo kubamba bumboni okuya.’” Uh-huh. Kwa mana.

“Ino Uyo citila nzi eco, Mwami?”

“Ayo makani Angu.”

<sup>207</sup> Muzeezo wangu ngwa, kutegwa Ako nzye kutila malasha ali mbabo, aa Buzuba obo. “Mwa kali jisi kamboni. Nkaambonzi teemwa kamu swiilila?”

<sup>208</sup> Ngooyo Ann mucembele moofu, kakkede mu tempele, kakomba. I Mwami waka tuyubunwida, “Simioni uli luleme.” Amen. Ta kali kukonzya kubona mumuni wasikati kuzwa ku mudima, pele waa kakonzya kubona kulaale kwiinda bantu banji sunu abo bajisi meso ali kabotu. Waa kabona, mu Muuya, kuboola kwa Mesiya kuti kwakali afwaafwi, Muuya kaweenda mu moyo wakwe.

<sup>209</sup> Amubone obo Mbungano niini mbo yakabede? Zakariya, Elisabeti, Mariya, Johane, Ann, a Simioni; cisambomwe kuzwa mu mamilioni. Mbuli mu mazuba akwa Nowa. Bali cisambomwe.

Leza wakabela a umwi aumwi wabo. Boonse bakali mu lumvwano. Boonse bakaba antoomwe. Ameni.

<sup>210</sup> Mpaawa, Simioni mudaala. Mpaawa kwaboola Muvwanda muniini mukati. Ta kalina mvwa cintu kujatikizya ncico. Ngooyu Muvwanda. Elyo mpawo Simioni wakali kkede mu kaanda kakwe, nkabela Muuya waka muselukila, wakati, “Kozwa, Simioni.”

<sup>211</sup> Mpaawa wa kainka, keenda, katazi oko nkvakali kuya. Mbuli Abrahamu, wa kali kuyandaula cintucimwi. Ta kazi awo mpa kabede, pele wa kazumanana kweenda. Kwiinde kaindi, wa kaima. Elyo Muuya Uusalala kweelede kuti waka mwaambila kuti, “Ngooyo Mbwa bede.”

<sup>212</sup> Wa ka tambikizya, mu maboko aa Mariya, kabweza Muvwanda mu maboko akwe. Wakalungumana a kuti, “Mwami, lekela mulanda Wako lino azwe mu buumi obu mu luumuno. Meso angu alangide ku lufutuko Lwako.” I cintu eco bantubonse ncobakali kufubaazya, eco banakazi ncobakali kutantamuka, Simioni wakati, “Lwalo ndufutuko Lwako, Mwami.”

<sup>213</sup> Elyo kutandila ciindi eco, mpaawa kwakasika mwanakazi mucembele moofu, kaya buzeemuka mu nzila yakwe, kadadalika moonse mu bbunga. Elyo waa kasika kuli Nguwe, nkabela awalo waa kasinsima, nkambo waa kaliku Mu langila. Waa kaambilia Mariya kuti, “Li ceba liyo yasa moyo wako, pele Liyo yubununa miyeeyo ya myoyo minji.” Mwabona? Cakali cinzi?

<sup>214</sup> Lino, Nda yeeyela, bamwi babo banakazi bakati, “Lino bona ceeco! Mwabona na musyobo wa musela ngo cibede? Nceeco we. Mwabona? Nce ncico. Mwabona mpo cibede? Oyo mudaala, wakaumwa mu mutwe. Ngooyo mbwabede okuya, kaimvvi kumbele lya musimbi sibwaamu, kasola kwaamba cintu mbuli ceeco. Nceeco we. Oyo Mwana wa musokwe. Amulange Ann oyo mucembele, ukkede awa, kali jazya nzala calufu, akuyabuya mbuli boobo. Ta kabi azya kusobana mbuli mbo tucita. Pele, nceeco we, mwabona. Waa kali kukonzya kuzulilwa ku nsangano zyoonse zya mu cisi okuno. Waa kazwa mu mukwasyi muboto loko, mwabona, alimwi waa kakonzya kuzulilwa okuya. Pele ngooyo mbwabede. Mwabona obo nkamu eyo mboiba antoomwe?” Oh, iiyi. Ameni.

<sup>215</sup> Cintu nciconya asunu. “Kukkala mu masena Aakujuju muli Kristo Jesu, mu kusumpulwa ku Muuya Uusalala.” Masimpe. Iiyi, munene.

<sup>216</sup> Oh, ni twali jisi ciindi cimbi cisyoonto na? Nde elede kwaamba cintucimwi. [Mbunga yaamba, “Iiyi.”—Mul.]

<sup>217</sup> Ndi jisi syakacite umbi awa, Ndili langide, ku ciindi eco eelyo Ijwi nilyakali kuyubululwa, bantu basongo.

<sup>218</sup> Ni Nda jisi ciindi, Fred, kuli nduwe kubala ceeco. Uli lijisi mu nkomo yako na? [Mukwesu Fred Sothmann waamba,

“Iiyi.”—Mul.] Ndi yeeyela kuti bunji bwanu mwa kacibona mu magazini.

<sup>219</sup> I cintu eco Muuya Uusalala ncowa kaamba kuselelo okuno ku mulonga, myaka ili makumi otatwe aitatu yakainda, baka cilangalanga ncobeni. Nalupale 9, ku citondezya, ya Astronomi eyo, obo eyo—eyo Jupita a nyenyezi, muli ndakutema wazyo!

<sup>220</sup> Ba jisi astronomi yakaindi kkale- . . . kulembwa kwa njiyo, baka langalanga. Eco nce ciindi nciconya eyo ndakutema niyaka boola, muli bandakutema ca nyenyezi ezi, a kuwaalwa aansi emi kutozya ku Babuloni alimwi bantu basongo baka ciselemuna. Mulayeeya? Zya kazabuka mikondo yazyo, kulyumba kwansi, mabbilioni aa laiti yeezi kutantamukana alubo. Alimwi abo bantu basongo ba Juda bakali kutala ku Babuloni, baka bona ndakutema kanjila muli bandakutema abo, zyalo nyenyezi. Zili zyotatwe zyaka njila, antoomwe, akupanga eyo nyenyezi yomwe. Alimwi ba kalizi obo kwinda ku Ijwi lya Leza, kuti eco cakali ciindi, eelyo zyalo nyenyezi nizya kaboola antoomwe, kuti Mesiya wa keelede kuba aa nyika.

<sup>221</sup> Ako nkekkaambo baka talika kuti, “Ulikuli Walo, Mwaami wakazyalwa waba Juda? Ulikuli Walo? Kubusenabumwi! Nkambo, cindi ezyo nyenyezi nizya kanjila, mane zintu zyakujulu zyakaba mu cintu eci comwe cipati awa, cindi zyalo zyotatwe zyeenda antoomwe, Mesiya uyooba aa nyika mu ciindi eco.” Elyo cindi ni zyaka njila mu mikondo yazyo, balo bantu bakaziba kuti Mesiya wakali aa nyika.

<sup>222</sup> Ba kali basyazibwene mu milimo wabo. Ba kali bantu balemu. Ba kali basyazibwene mu mulimu wabo wa sayaansi ya bukombi. Ba kali kulangilila lubazu lwa bukombi kuli ncico. Alimwi ba kabona ezyo nyenyezi kaziyutuka kulaale, Jupita a Sargas, elyo mpawo kunjila mu mundando wazyo—wazyo. Elyo ba kat, “Tu lizi kuti Mesiya uli kubusenabumwi. Aboobo, We elede kuba mu Jerusalemu, nkaambo obu mbusena bwendelezya ku bukombi bwa inyika, bwa bukombi bwa Mesiya. Obo mbusena bwabobo bwa bwendelezezya. Obo mbusena bwa kweendelezya bwatubungwe. Mpaawo nkamu mpati ya bupaizi mpoi kkede.”

<sup>223</sup> Elyo bakeenda a nkemele, myaka yobilo, kuselemuka Mulonga Tigrisi, a kwiinda mu zilobe a masaka, kabeenda, kuya ku munzi, myoyo kaizwide lutangalo.

<sup>224</sup> Ba kalizi cindi ezyo nyenyezi nizyakali kulengelela omuya. Alimwi eci, abala ba astronomi balati, sunu, “Ikuti zya cita nconzyo, zyalo nyenyezi, kunila mu busena obo alubo, kuyo bamba nyenyezi yomwe, kuzwa nko bakali kwiimvwi, kabalanga.” Pele bakacita kwiimikilila kuzwa ku busena obo ku baibone. Ameni. Ameni.

<sup>225</sup> Citola awo mpoimvwi. Citola ceeco nco langide. Uh-huh. Inzya.

<sup>226</sup> Aboobo ba kaibona, nkabela baka itobela, nkabela bakali moonya mu mundando. Takukwe makani nkoba kasika, kwakali endelene ncobeni a mbabo. Ya kabasolole. Mwabona?

<sup>227</sup> Eyo nje nzila ya kubamba oonse Magwalo kweendelana, zintuzyonse, mpa wo kkola mu mundando oyo a Magwalo. Eyo nje nzila ilikke. Iyo kusololela ncobeni kugama kuli Nguwe. Neconzyo iyocita.

<sup>228</sup> Lino amubone. Mbaaba basika, kabaompolola, “Uli kuli Walo wakazyalwa Mwaami waba Juda?” Mu Jerusalemu, Nyenyeesi yakasololela nkoonya okuya, nkoonya kugamma ku busena bwa kweendelezeza bwatubungwe. Pele cindi niba nyona kuzwa kuli njijo, Nyenyeesi yaka basiya. Mu munzi bakaunka, atala ansi lya kagwagwa. Ba kayeeya kuti munzi wakalino zwide lutangalo lwa Leza. Atala ansi lya kagwagwa, a lutangalo, ba kaunka, kabakwila, “Uli kuli Walo wakazyalwa Mwaami waba Juda? Twa kabona Nyenyeesi Yakwe cindi ni twakali Kujwe, nkabela twa boola kuzo Mu komba.”

<sup>229</sup> Amuyeeye, Nyenyeesi, ba kaunka kutozya kumbo. Ba kali Kujwe. “Kumbo kakusololela, kuceenda. Tusololele ku...” Mwabona? Ba kali ncobeni...Ba kali...Ee, Babuloni a India zilede Kujwe lya Palestine, kubaanga nkujwe lyamusanza. Elyo ba kali kutozya kumbo. “Kusololela kutozya kumbo,” nywebo mulizi lwiimbo, “kuceenda. Kotweenzya kuya ku Mumuni oyo uulondokede.” Mwabona? Balo bantu basongo, bakali kuboola kumbo. Kabazwa Kujwe, kuya kumbo, nkabela ba kabona Nyenyeesi eyo. Lino, ikuti na ba kali Kumbo, kulanga kuya kusule, tiiba Ka ibona. Mwabona?

<sup>230</sup> Balo, cindi nibakasika okuya, Ya kabeenzya nkoonya okuya, mpa wo Ya kabasiya. Elyo ba kayeeya, “Njeeyi we. I Nyenyeesi yamwaika, aboobo njeeyi we.” Bali mu munzi. Aboobo, “Oh, ma,” ba kati, “bantubonse bali mukwiimba a kukkomana buyo. I bulemu bwa Leza bwa mwesya zintuzyonse. Aboobo, mpaawa mpo tubede. Tu lizi kuti yesu—tu lizi kuti kuzwidilila kwesu, mbuli mbo twa kalangilila ndakutema oyo, taakwe umwi, taakwe syazibwene, konzya kuboola okuya akuswaanganya nyenyeesi antoomwe. Alimwi tu lizi, cindi eyo—cindi ezyo nyenyeesi ni zyakanjila cintu eco cakujuju, eco nce ciindi Mesiya nali a nyika. Mesiya ulaa nyika.”

<sup>231</sup> Elyo lyoonse kwainda myaka minji ili myaanda, zilainda muli ndakutema cazyo alubo, nywebo mwabona, elyo mpa wo kuli cipego caboola aa nyika. Amuzibe.

<sup>232</sup> “Mesiya ulaa nyika, cindi eyo—cindi eyo nkamu ya nyenyeesi niyaka boola antoomwe.” Elyo ba kalizi kuti wakaliko, aboobo bakaunka busena bwa kweendelezeza bwa bukombi, a kutilika kuunka, kuya bwaamba, atala ansilya kagwagwa ba kaunka, ezi nkamele, “Uli kuli Walo? Uli kuli Walo? Uli kuli Walo wakazyalwa Mwaami waba Juda? Twa kabona Nyenyeesi Yakwe

Kujwe. Uli waano abusenabumwi. Uli kuli Walo? Uli kuli Walo? Ino Uli kuli?" Huh! Ino ndisamu!

<sup>233</sup> Ba kainka ku mupaizi batapi. Wa kati, kwayanda wakati, "Ndipenzi nzi a ndinywe balombwana? Baa, muli nkamu ya basikwiindilizya!" Mwabona? Ino ndi sampu, ku kuzwidilila kwabo kwasayaansi! Ku nguzu zya Leza, ba kabona Nyenyeezi Yakwe. Alimwi ba kali bangu basongo, basimaanu. Ba kali mu mulimo wa sayaansi ya bukombi. Alimwi ba kalizi, cindi nyenyeezi zyaakusika okuya, Mesiya wakali kubusenabumwi. Alimwi awa, busena obo bwa keelede kuciziba, taakwe ncoba kazi kujatikizya Ncico.

<sup>234</sup> Inga ndayeeye, bana bakaima mu kagwagwa, akuti, "Haa! Amulange eco. Haa! Eyo nkamu ya basikwiindilizya. Amu baswiilile, kabaamba kuti, 'Uli kuli Walo, wakazyalwa Mwaami waba Juda?' Teeba kazi kuti Heroda mwaami kumusanza okuno. Teeba kazi Bbishpo Niini." Oh, ma!

<sup>235</sup> "Uli kuli Walo wakazyalwa Mwaami waba Juda? Twa kabona Nyenyeezi Yakwe Kujwe."

<sup>236</sup> Ba lati, "Amuboole okuno, nyoonse nobantu basongo awa, abusena awa." Uh-huh. "Amuboole okuno. Sena nyoonse mwabona Nyenyeezi imwi amwi?"

"Oh, Nse bona cintu cimwi mbuli Ceeco."

<sup>237</sup> "Nyoonse noba astronomi amuboole okuno. Sena nyoonse mwabona Nyenyeezi imwi amwi?"

"Peepe. Peepe."

"Sa mwabona cintu cimwi mbuli musyobo umwi wa citondezyo camaseseke?"

"Peepe. Ta tubwene cintu mbuli ceeco. Peepe."

<sup>238</sup> Ta tuna, aswebo. Cintu nciconya. Taba boni cintu. Taba konzyi ku Ci bona.

"Uh, atu twiitw i—ii bakutausi. Ino kujatikizya ndinywe nyoonse?"

"Peepe. Tee twabona Nyenyeezi."

<sup>239</sup> "Ee, ino kujatikizya ndinywe balombwana nomu bamba ciindi, aawa aa bulambu? Amu langilile nyenyeezi. Nywebo mulizi lyonse... Nywebo mulizi oko cikama coonse nko ciliko mu majulu. Nywebo mulizi nyenyeezi yoonse. Sena mwakabona cili conse?"

"Nee. Tee twabona cintu." Pele Ya kaliko.

<sup>240</sup> Bulemu kuli Leza! Oh, ma! Sena mwa Ibona? Nkoili eno, nkabela taba konzyi kwi Ibona. Iya buya, nkoonya kuzunguluka mbabo, nkabela taba konzyi kwi Ibona.

<sup>241</sup> "Peepe. Tee twa bona cintu. Oh, Nda liko okuya. Nse bona cintu." Masimpe, ta citi. Moofu maningi buyo. Tacili cako

kwi Ibona. Mwabona? Ikuti na uli moofu oyo, baa, masimpe, toko Ibona.

<sup>242</sup> Nja baabo buyo Leza mbayo yubunwida Njiyo. Abo mbembabo ba Ibona. Lyoonse cakali munzila eyo. Masimpe.

<sup>243</sup> Wa kali Nowa wakakonzya kubona mvula kujulu mu milengalenga, nywebo mulizi, pele bamwi babo tiiba kacikonzya. Mwabona? Teeba kabona mvula kujulu akuya, pele Nowa wa kaibona.

<sup>244</sup> Wa Abrahamu waka bona Sarah kajatilide muvwanda. Mbo mbubo. Kutalia basikusabula abo bakati, “Taata wa masi, mbangaye bana mbo jisi lino?”

<sup>245</sup> Obo mbo tu konzya kuselemukila mu Bbaibbele, basimaanu maningi a basinsimi, lweendo loonse do! “Lusyomo ncitondezyo ca zintu zitabonwi.” Ba lizi kuti Ijwi lyaka caamba, nkabela nceeco we. Nceeci citondezyo ca ncico. Bala cibona. Lino amubone. Oh, ma!

“Bantu besu basongo taba boni Nyenyezi eyo. Kunyina cintu kuli Njiyo.”

<sup>246</sup> Nkaambonzi? Mukasimpe, cindi niba kali kulanga nkabela ba kanjilana a nkamu ili boobo, Nyenyezi yakazimaana.

<sup>247</sup> Cintu nciconya asunu. Eco nce cizima banji ku Mumuni, mbo mbubo, kunjilana a nkamu ili boobo mbuli eyo, itasyomi akwalo muli Njiyo, mu kutilika. Alimwi mbobuti mbo tuya kuba ii—ii lukamantano lwa mambungano? “Mbobuti mbo tuya kweenda antoomwe citakuti twa zuminana?” Mbobuti luswaananao lwa i...lwa eci okuno, inyika mboizulwa, oonse i—i mambugano, mambungano akamantene inyika mboizulwa? Mbobuti mbo tuya kukamantana antoomwe, kakuli tuli mamilioni aamaille kutantamukana? Mwabona? Mbobuti mbo tuya kucicita? Iba Ivangeli andiswe, alimwi *eyi*, alimwi *eyo*, alimwi *eyo*, alimwi oonse antoomwe, elyo nekubaboobo kukamantana antoomwe a nkamu ili boobo ya bubi.

<sup>248</sup> Leza uli mukujana Mukaintu uunjoloma, uusalala, uutakwetombe, uukkala a Ijwi Lyawe. Yaa.

<sup>249</sup> Sampu lya Jesu nkambo ka Ijwi. (Alimwi mpawo tula leka, mu kaindi kaniini.) Jesu waka sampaulwa nkambo ka Ijwi. Amulange awa. Mbobuti Mbwa kakonzya kuzunda sampu, kakuli Wa kali Sibuleza, Leza mu mubili wabantu? Wa kali Leza, Mwini, wakaba mu mubili.

<sup>250</sup> Lino, mulizi Bbaibbele lya kaamba boobo. “Twa ka Mu jatauka. Baangelo baka Mu bona.” Amuciyeeye buyo eco. Ndi syoma kuti Timoteo ucibikka mbuli boobo. Mwabona? Kuteeti, “Kakutakwe lukazyanyo makani aasisidwe mapati aabuleza; nkambo Leza waka yubululwa mu mubili, wakabonwa a Baangelo.”

<sup>251</sup> Baangelo bakaliko ku kuzyalwa Kwakwe. Obo mbo kweelede kuti Baangelo bakalanga ansi a kusekelela, cindi niba kalanga ansi ku cilido ca banyama a kubona Leza kalifungula mubili wabantu. Ameni. Ta cigambyi kuti bakatalika kukwiila, “Sunu, mu munzi wa Davida, Kristo wazyalwa Mufutuli.” Baangelo bakasekelela, alimwi baka babamika mababa abo antoomwe, alimwi atala lya zilundu zya Judaya, ba kaimba, “Bulemu kuli Leza kuli sijulu, luumuno aansi a bubotu buyooba ku bantu.” Ba kabona Ijwi lya Leza, abo ba Li langilila, kubona kuti Lyakayubululwa. Nkabela ndeelyo Mbo lyakabede.

<sup>252</sup> Lino, Saatani taka syoma booboo, nywebo mulizi. Wa kati, “Ikuti Uli . . .”

Pele Angelo wakati, “Ngo nguwe.” Olo ndo lwaandano.

“Ikuti na Uli, cita *boobu-a-boobu*. Atu Ku bone kucicita.”

Pele Angelo wakati, “Mpali awo.”

<sup>253</sup> I bantu basongo a sayaansi yabo ya bukombi, kati, “Mpali awo.” Ameni.

<sup>254</sup> Nke kaambo basilwiiyo lwa archiologi a zintuzyonse sunu bavwentauzya zintu ezi, zya kasinsimwa myaka misyoonto yainda, ezyo ziyo citika. Elyo mbaaba we, balavwentauzzya. Akwalo taba . . .

<sup>255</sup> Takukwe makani akale kasola kwamba kuti Pontiasi Pilato wakasola kuba aa nyika. Sena mwakalizi eco? Nobamwi nywebo bana bacikolo amu ndaambile abusena mu makani akale awo mpo bakaamba kuti kuli Pontiasi Pilato. Elyo batasyomi bala cisabula a ku ciseka, kati, “Kwa kanyina ii—ii sibulelo muna Roma wakaulikidwe, ii—ii mwendelezi wakaulikidwe, Pontiasi Pilato.” Pele kutandila mvwiki zili cisambomwe zyainda, baka vvwentauzya bbwe lyacooko: Pontiasi Pilato, mwendelezi. Oh, ma! Mbufubafuba obo!

<sup>256</sup> Ba kati, “Kwa kanyina Ramese mu makani akale, Ramese kulela Egepita.” Pele bakafumbula bbwe, lwiyyo lwa archiologi: I Ramese, wabili. Amuzibe.

<sup>257</sup> Alimwi bakati malambo kwiina nakawida ansi. Balwiiyo lwa archiologi bakali kufumbula koonse, alimwi, lutaanzi cintu mulizi, baka fumbula, kuyaansi eni oko malambo mwakawida mu Jeriko, nyweb mulizi, cindi mweendi niwa kalila. Ba kati, “Ako kakali kaano buyo, lwiimbo muntuuumwi ndwa kaamba, kaimba kaindi okuya.” Inzya. I basikusabula baamba booboo. “Ako kali kaano buyo. Kwa kanyina cintu cili booboo mbuli malambo kaawa, a Joshua kalizya mweembo, akuzuza kutanta malambo elyo baka seluka. Kwakanyina cintu cili booboo.” Elyo umwi silwiiyo lwa archiologi mupati Munakristo wakazumana kusya, nkaambo wa kali cizi kuti ca keelde kuba obo. Wa kasya tukokola tugambya tuli makumi otate, aansi awo amwi mpo

kabede. Kwakali malambo, akalundikide atala lya limwi alimwi, mbubonya mbuli Ijwi mbo lyakaamba.

<sup>258</sup> Ba kati, "Kwa kanyina cintu cili boobo mbuli Davida kusola kulizya cilizyo cakwe, kantimbwa kantambo, nkaambo ziimbo zya tutambo tii zyaka zizilwe kusikila mu sentuari abufifitiini." Kati, "Kwa kanyina cintu mbuli ceeco." Munakristo walwiiyo lwa archiologi wakasya, ansi mu Egepita. Myaka ili zyuulu zyone zyakainda, ba kali jisi zyakulizya twa tutambo. Ameni. Oh, ma!

<sup>259</sup> Ba kati, kujatikizya bana Bahebrayo kuba bambila mabwe a zintu mbuli ezyo, kuzwa ku bwizu bwakuumya "Kwa kanyina cintu mbuli eco." Balwiiyo lwa archiologi bakainka kuyo fumbaa okuya. Ino ba kajana nzi? Eyo ngu sayaansi. Ino ba kajana nzi? I malambo aa munzi oyo Bahebrayo ngo bakayaka mbali ntaanzi ya mabwe akali bwizu bulamfu bwakuumya; yabilis yakali kosaudwe mu tubeela tuniini twa cikuba; a yabilis tii yaka jisi bwizu muli mbubo, pee. Oh, ma!

Masi ali mukumwaika, Israyeli ili  
mukusinsimuka,  
I zitondezyo basinsimi nyzo bakasinsima.

<sup>260</sup> Iiyi, munene. Coonse ciboola nkoonya kuli ndiswe, mukwesu, mucizi. Nkaambonzi cili obo? Mu myaka misyoonto yainda, inyika ya zipekupeku taina citice ncoya cita. Aa skriini kuboola kaano ka *I Milao Ili Kkumi* yakacitwa aabana Cecil DeMille. Aa skriini kuboola buumi bwa Jesu Kristo kwiinda muli *Ben Hur*. Aa skriini kuboola *I Muzeli Wanswi Mupati*, kusanduka kwa Petro. A misobano eyi yoose ya bukombi, eyo bazipekupeku njoba kaka, a kubisya bisya, a kwiisowa. Pele, Leza, mu nguzu Zyakwe mpati, wa kacilizya, mbubonya buyo.

<sup>261</sup> Ndyoonya lino, ezyo zintu zya kaambwa myaka misyoonto yainda, mulanda, uutakweankwaya, mubombe muubauba, lwangu, wa Leza. Nda kati, "Ngooyo Mumuni wakaima a kwaambaula kuli ndime, aku ndaambila zintu zya kucita." Bantu bakasena a kuti, "Uli nyongeni aniini mu mutwe." Nceeco cifwanikso ca Nguwo. Sayaansi yaka Ci bweza. Nko cili. Bwalo Mbwini.

Nda kati, "I mwanakazi uvunikilidwe lufu."

<sup>262</sup> Ba kati, "Mbuli cimvule, lino, obo mbufuba. Walo ucipanga buyo mu mizeezo yakwe."

<sup>263</sup> Nceeci cifwanikiso caco. Leza uyo citya myaala koompolola. Ula konzya kucita eco Nca yanda.

<sup>264</sup> Jesu, sampa lya Ijwi. I Mwana wa Leza Uusetekene kaimvwi alya, Emanueli, ino ndi sampa! Amuleke sizibi uutasyomi a Mwa ange, aswide ku meso Akwe, a kujwa cilezu cisyoonto, akuta Mu citya cili conse kujatikizya ncico. I sampa lya Ijwi! Uh-huh. Ncinzi? Ku kuzulizya Ijwi lya Taata. Oh! Pele, amuyeeye, We elede kuzunda sampa lya lufu. Leza, Oyo uutakonzi kufwa,

alimwi Umwi biyo wakakonzya kufwa kufutula sizibi. Taakwe umwi umbi, taakwe muntu wabili na muntu watatu, wakali kukonzya kucicita. Leza Lwakwe ngu Umwi luzutu ukonzya kucicita. Elyo ngooyu Mbwa kabede.

<sup>265</sup> Wa kati, “Takukwe muntu wakatanta kujulu cita Oyo wakaseluka ansi, akwalo Mwana wa muntu oyo lino uuli ku Julu.” Ameni.

<sup>266</sup> Ba kati, “Bamatata bakalya mana mu nkanda.”

“Elyo bali fwide,” Wa kaamba.

“Elyo Wa amba kuti Uli Cinkwa ca Buumi?”

<sup>267</sup> Wa kati, “Katanakuba Abrahamu, NDIME. Ndili Cinkwa ca Buumi. Ndime walo NDIME.”

<sup>268</sup> Ba kati, “Toli myaka ili makumi osanwe yakukomena, nkabela waamba kuti Wa ‘kabona Abrahamu’?”

<sup>269</sup> Wa kati, “Katanakuba Abrahamu, NDIME.” Elyo mpawo kulekela basizibi ku Mwa anga, mbungano yakabungwe, ku Mwa anga.

<sup>270</sup> Mula yeeya, ku buzuba bwamamanino, eyi mbungano ivubide ya Laodikeya, baka Mu tandila anze, noiba, a mbungano. Mwabona mpoi bede lino na? Sa mula konzya kubona kaambo Nce ompolola kulwana ciyanza? [Mbunga yaamba, “Ameni.”—Mul.]

<sup>271</sup> Nkaambonzi Jesu nca kalekela basizibi ku Mwa anga? Kwakali kwa kuzulizya ijwi, kuleta sampa kuli Leza, kafwa. Leza wakacita kufwa. Wa kacita kuba mu mubili, kutegwa afwe. Alimwi Jesu wakali obo. Wa kabaambilika kujatikizya ncico. Wa kati, “Alumwaye eli tempele, nkabela Njo liyaka alubo.” Taakwe muntuumwi umbi wakaliyaka alubo. “Njo liyaka. Mu mazuba otatwe, Njo lijosya ncobeni. Amuli mwaye; Njo liyaka. Mbuli Jona mbwakali mwida lya nswi, kwa mazuba a masiku otatwe, mbubonya Mwana wa muntu mbwaelede kuba mu moyo wa nyika.” Elyo tiiba kacimvwisywa akwalo. Mwabona? Ii sampa lya Ijwi, Mbwa—Mbwa kabede.

<sup>272</sup> Lino, kasabulwa ku lufu, ku kubuka lubo ku Buumi Butamani. Wa keelela kusaanguna kujaigwa, kutegwa Ka konzya kubuka ku Buumi Butamani, a kuleta bantunsi bambi boonse (bakali mu ciwa Cakwe) ku Buumi Butamani, abo bayo Bu tambula. Mwabona? Wa kaba muntunsi, kaba sikamukowa Munununi, alimwi wakacita kuzunda sampa lya kusabula koonse, a ku fubaazigwa koonse, mbuli buyo balandanyina Bakwe mbo bakacita Ka taninga boola. Mbuli Musa, mbuli Nowa, mbuli bamwi babo bakazunda kusabula oko, Wa kacita kuzunda kusabula. Nkaambonzi? Wa kajisi Ijwi, alimwi Wa kali Ijwi. Nke kaambo baka Mu sabula kunji kwinda lyonse. Wa kali Usetekene a Ijwi Lini. Aleluya! Eco nce caka Mu bamba.

<sup>273</sup> Jesu wakati, "Nywebo basikuupauapa." Kati, "Mwa kayaka tubanda twa basinsimi, nkabela ndinywe mwaka babikka omuya. Ba kaboola a Ijwi lya Leza, alimwi tii mwaka basyoma. Mu jisi mulandu wa umwi aumwi wabo."

<sup>274</sup> Ku Phoenix, Leza nawayanda, Ndiyo kauma bbala buzuba bumwi. Ndiyo pa mulandu ku nzyalani eyi nkambo ka kujaya Jesu Kristo, ku Mu bambula cabupya. Ndiyo leta kupa mulandu kumele lya nkamu ya bakutausi, Leza nawayanda. Ba jisi kuzulwa ku Bulowa bwa Jesu Kristo, nkambo kaku Mu bambula cabupya. Iiyi, munene. Kupa mulandu oonse!

<sup>275</sup> Petro wakabapa mulandu, aa Buzuba bwa Pentekoste. Wa kati, "Nywebo a maanza mabi mwaka bambula Sibwani wa Buumi, Oyo Leza ngwa kabusya. Tuli bakamboni." Wa kaleta kupa mulandu.

<sup>276</sup> Ndiyo bweza Ijwi lya Leza, kupa mulandu ku kabungwe koonse kaliko, a muntu oonse atala aa nyika, kuzulwa ku Bulowa bwa Jesu Kristo. Leza akandi gwasye kuba loya Wakwe ku buzuba obo. Ameni. Iiyi.

<sup>277</sup> Oh, basikusabula baka Mu fubaazya. Ba ka Mu sampaula. Wa kakkala ncobeni Ndilyo. Ameni. Oh! Amulangilile eco Nca kacita. Wa kali Mwana wa Leza, kapengela lufu kutegwa anyonyoone cibi. Wa kacita ceeco. I... Eyo ni nzila biyo mbo cakali kukonzya kujaigwa. Alimwi Wa kacita ceeci, a ku cizunda, nkaambo boonse bamwi babo bakacita.

<sup>278</sup> Nkaambo, boonse babo kaindi okuya baka jisi busyonto bwa Ijwi lya Leza. Nkambo, Jesu wakaamba boobo. "I—i Ijwi lya Mwami lyakasika ku basinsimi. Alimwi nguni umwi wabo," Wa kati, "kuti bamauso, bukombi bwanu bwakabunganisigwa, bwa kauma mabwe a kujaya? Nguni umwi wabo wakatambula basinsimi? Mpawo mulayaka tubanda twabo niba kamana kuunka." Kati, "Mu jisi kuzulwa kwakuba bikka omuya."

<sup>279</sup> Mpawo Wa kabapa cikozyano cijatikizya muunda wa masaansa, a balanda bakasika. Ba kabapenzya, mpawo kumalekelo bakati, "Lino tula jaya mwana, nkaambo ngu swaana." Mwabona? Oh, ba kanyema cindi niba kabona ceeco. Mwabona?

<sup>280</sup> Pele Wa kacita kuzunda sampu. Elyo mpaawa Wa angwa Mwini, tolwa ku lufu, kutegwa ajaigwe, ku kupilusya Buumi Butamani. Bulemu kuli Leza! Oh, mbo Mbwe Mu yanda! Kupilusya Buumi Butamani a kubusya oonse mwana wa Leza, muciindi ca bukkalo, abo bakaima a Ijwi eelyo a kubweza sampu. Mbo mbubo.

<sup>281</sup> Ikuti Na taka boola, Nowa nataka buka. Ikuti Na takasika, Eliya nataka piluka. Ikuti Na takasika, Nowa nakata buka, ikuti Na ta...ikuti Na ta keelela kusika. Nkaambo, Wa kali Kabelele ka kakanzidwe, ako kakasika kuzo yumuna sampu Keni, a kufwida Ijwi lyoonse lya Leza lya kaambidwe, a bantu

aba balulami ndyoba kaiminina. Wa kacita kuba. Taakwe umbi wakali kukonzya kucicita. Leza Lwakwe, alimwi Wa kasika a kubweza busena, kutegwa Akonzye kunununa a kupa Buumi Butamani ku mwana oonse wa Leza oyo wakaiminina Ijwi ndyoonya awa keelede kuyo penga ku sampa. Oonse mwana wa Leza, muciindi ca bukkalo, oyo wa keelede kuyo kuzunda sampa, kwakanyina umwi wakali kukonzya kumu nununa, pele ku lusyomo wa kabona oyo Munununi kaboola.

<sup>282</sup> Jobu waka Mu bona. Jobu wakaima kaindi eelyo, nkabela ba kati, "Oh, yebo sizibi wakumbali. Leza uli mukukupenzya buyo, nkaambo nduwe sizibi wakumbali."

<sup>283</sup> Wa kati, "Ndi lizi Munununi Wangu ulapona. Ku mazuba akumamanino Uyo ima aa nyika. Nekubakuti tuuka twa lukanda twa nyonyoona mibili oyu, nekubaboobo, mu mibili wangu Njo bona Leza."

<sup>284</sup> Mukaintu wakwe wakati, "Nkaambonzi to Mu singanyi nkabela ufwe?" Kati, "Yebo ulibonya mbuli mupenzi usampaukide."

<sup>285</sup> Wa kati, "Yebo waambaula mbuli mwanakazi mufubafuba." Ameni. Ngooyo Mbwa kabede. "Ndi lizi Ula pona, nkabela Uyo ima ku Buzuba bwamamanino."

<sup>286</sup> Ikuti Jesu nataka boola, Jobu nata kakonzya ku nununwa, nkambo Wa kali Kabelele kakajaigwa kuzwa ku malengelo aa nyika. Wa kalizi busena Bwakwe. Wa kalizi caabilo Cakwe.

<sup>287</sup> Nke kaambo, Mariya wakaziba caabilo cakwe, obo buzuba cindi na kazwa okuya. Wa kati... "Ikuti Nda... Nowaali kookuno, mukwesu nata kafwa."

Wa kati, "Munyoko ula buka alimwi."

Kati, "Iiyi, Mwami, mu bubuke. Wa kali mulombe uli kabotu."

Jesu wakati, "Pele NDIME bubuke obo. Sena ula syoma obu?"

<sup>288</sup> Waa kati, "Inzya, Mwami, Ndila syoma kuti Uli Mwana wa Leza wa keelede kusika mu inyika."

Wa kati, "Mwa mulazika kuli?" Oh! Mpaawo we. Umu-humu.

<sup>289</sup> Waa kaciziba. Oyo mwanakazi muniini takali kwaamba ceeco. Waa kajisi madaimona ali ciloba akatandwa kuzwa muli nguwe. Waa kalizi nguzu zya Leza, zyakali kukonzya kugusya kulisumpula a kubinwa a zintuzyonse, kuzwa kuli nguwe, zyakali kukonzya kugusya oyo muuya, muniini wakuliyanda kwa cikolo cipati kuzwa kuli nguwe, a kukonzya ku mubamba cilenga cipyga. Wa katanda madaimona ali ciloba. Balo banakazi bakalizi obo Mbwa kabede, abo baka Mu tambula.

<sup>290</sup> Ba kalizi kuti Wa kali kukonzya kuba citila. Mbubonya asunu bala cita, abalo. Amu cizumine buyo. Eco nce cintu cicilila.

<sup>291</sup> Ngooyo Mbwa bede. Waa kaamba ceeco. Alimwi Wa... Mulizi caka citika. Oh!

<sup>292</sup> Boonse abo bayo pengela Ijwi ndyoonya, Wa kafwida kaambo ako. Wa kali Umwi biyo wakali kukonzya kufwa, ku kucicita, nkambo Wa kali Ijwi. Wa kali Ijwi, Ijwi lya kayubululwa. Boonse bambi baka kajisi madosi masyoonto, pele mpaawa kwakali buzule bwa Leza, muli Nguwe. Walo Ngu mbobuca sunu. Bahebrayo 13:8, "Jesu Kristo mbobuca nguwenya, sunu, amuya myaaka." Amuswiilile.

<sup>293</sup> Ndili mukujala, nconzyo. Ndila kucita, ndeelede kucita. Nda indilila ku ciindi.

<sup>294</sup> Ta kalemba bbala lyomwe. Sa Wa kacita? [Mbunga yaamba, "Peepe."—Mul.] Taka lemba ibbala. Nkaambonzi? Wa kali Ijwi. Wa kali nzi? I Majwi ayo akalembwa, Wa kali kuyubununa kwa Ijwi eelyo. Bulemu! Fyuu! Lino Nda limvwa kabotu. Wa kali Ijwi. Ta keelede kulemba cintu. Wa kali Ijwi, eli Ijwi lilembedwe lya kayubululwa. Bulemu kuli Leza! Ngu mbobuca sunu, nguwenya, sunu amuya myaaka. Walo ndi Ijwi, Ijwi lya kayubululwa.

Yebo wati, "Sa mbo mbubo, Mukwesu Branham?"

<sup>295</sup> Amulangilile Jehova kaimvwi kaindi eelyo a kufulida mweengo atala lya mayuwe mbuli kulaale, a kupangila Israyeli mugwagwa wa kweendela.

<sup>296</sup> Amulangilile Jehova mu mibili, kaamba kuti, "Luumuno, kalucilik." Cindi mayuwe nakali kuuma aa nkomwe, mu nguwo lyamvula, nkabela dyabulosi wakali kumyankuta a zintuzyonse, mbuli obo, Wa kati, "Luumuno, kalucilik." Elyo aka Mu swiilila; myuuwo a zyoonse. Wa kali Jehova. Ameni.

<sup>297</sup> Cakuti Jehova wakali kukonzya kwiima kulaale a kusansaila madosi amume masyoonto, a kwaalekela kuwida a nyika akuba zinkwa, zya kusanina bantu.

<sup>298</sup> Wa kaima akubweza nswi zyosanwe, na mabbisiketi osanwe a nswi zyobilo, aku sanizya bali zyuulu zyosanwe.

<sup>299</sup> Wa kali Ijwi. Ameni. Ameni. Walo ndi Ijwi, alimwi Uyo oba Ijwi lyonse. Elyo kuli ndime a ng'anda yangu, tuyu belekela Ijwi.

Oh, Ndi yanda ku Mu bona, yanda kulanga  
busyu Bwakwe,  
Okuya kwiimba kwalyonse luzyalo Lwakwe  
lufutula;  
Aa tugwagwa twa Bulemu, andi kasumpule jwi  
lyangu;  
Cindi mapakasyo onse aakwiinda, kusika ku  
Muunzi kumamanino, kusekelela lyonse.

<sup>300</sup> Oh, ma! Iiyi. Kuyumuna sampa lya Ijwi. Ndeelyo sampa lyeenda a Ijwi. Amukkale ncobeni a Ijwi, a kuyumuna sampa.

Atu kombe.

<sup>301</sup> Jesu, mbuli busiku bumwi, Mwami, Nda kaompolola, "O Jesu, Ino Uya nda kuti ndicite nzi? Ino Ndi cite nzi, Mwami? Mukubona ezi zintu, a kuziba oora ndyo tupona, ino Ndi cite nzi, Mwami? Ino Ndi cite nzi?"

<sup>302</sup> Nda kombela mbungano yangu niini awa, Mwami. Nda yeeya bayuni baniini mu cilengaano, zintu zyakaliko; a bayuni bambi, ezyo zyakali zintu zipati. Pele kwakali cikata ca mbabo, Mwami. Pele cindi Baangelo niba kanjila, taakwe bayuni baka syaala. I batumwa baniini bakali babotuloko, Mwami, pele Ndi syoma kuti kuli cintucimwi cilaafwi kucitika. Acibe, Mwami. Kotubumba a kutubamba mbuli nzila Yako. Tuli—tuli bulongo. Uli Mubumbi.

<sup>303</sup> Aa kulinda oku kwa Krisimasi, Mwami, tuli lumbide ku cipego ca Leza, kuli Leza ku tupa. Nekubakuti eci ncabamwi, mbuli mbo tusyoma mu myoyo yesu, malweza amwi azya bupagani bwa buzuba nzoba kasola kucibumba a kucibamba mbuli ii—ii kusekelela kwa cilalilo, cilalilo ca Kristo, pele tee twa booli mu nzila eyo ya Santa Claus a masamu aa Krisimasi a—a kusakatizya. Pele tu boola mu Zina lya Mwami Jesu, ku kukomba Leza wa Julu, oyo wakalifungula mu mibili wabantu, mibili mbuli ndiswe, akukkala aakati kesu, ku kutunununa; a kupengela sampa lya Zina, kupengela sampa lya ciingano, kulekela tubunga twanyika kujaya Emanueli, kutegwa Akonzye ku tuleta ku Buumi Butamani.

<sup>304</sup> Ndiswe bani, Mwami? Ndiswe bani, kuti tu tantamuke sampa limwi? Leza, kotubamba kuba basilumamba bacamba. Nda tuula majwi aya kuli Nduwe, Taata. Inga kaapalangene; kukatala a kudekela mbuli Mbwe bede. Pele, Taata, kopa bulumbu ku bantu aba ku kukkanala a kuswiilila. Alimwi akube kuti nguzu zya kabusya Mwami, aku Mu tondezya kuli ndiswe okuno kukuba Mufutuli, mu mazuba aya akumamanino, akube kuti zipononosye muuya oonse omuno, Mwami, ku kuswena kwa Kuboola kwa Mwami Jesu. Akube boobo, Taata.

<sup>305</sup> Ponya bacisidwe a bapengede bali akati kesu. Koanga batyokede myoyo. Mwami, tuli... Twa kapenga maningi, moyo wangu ujisi nembe zinji ali nguwo, Mwami, kuzwa ku nkondo zikali. Ndili siluzibo lunji wakaindi. Ndi gwasye, Mwami. Ndi yandikana lugwasyo Lwako. Ndiza koonse oku kuijisigwa kwakali kwa bukanze. Ndila syoma kuti kwakali obo, Mwami. Ndi gwasye, O Leza. Alimwi gwasya mbungano eyi. Alimwi tulongezye, antoomwe.

<sup>306</sup> Longezya bana basyoonto. Ndi yeeya banji sunu, bantu, baniini, batakweankobaya baniini tabakoo tambula cili coonse okuya. Elyo Nda—Nda lomba kuti Uyo oba ambabo a kuba

gwasya. Kobapa Buumi Butamani, Mwami. Eco nce cipati . . . eco nce Cipego ca Krisimasi nco tu yanda, Mbuumi bwa Jesu Kristo kweendelezya a kulela mu moyo wangu. Eco nce Ndi yanda, Mwami.

<sup>307</sup> Kotu longezya, antoomwe lino. Twa tuula Majwi aya kuli Nduwe. Alekele awide ali onse mpayo cita, Mwami. Kufumbwa oko moyo nkousola kujula, akube kuti akazyale ciindi cipati ca lufutuko, mu Zina ly a Jesu. Ameni.

<sup>308</sup> Na nguni oyo . . . Mbangaye ba Mu yanda? [Mbunga yaamba, “Ameni.”—Mul.] Kuba mukubinda booboo, nekuba? Oh, Nda Mu yanda! Nda Mu yanda. “Mwami, ino Uya nda kuti ndicite nzi?”

<sup>309</sup> Muta lubi kuswaangana sunumasiku. Mu lizi Krisimasi nco yaamba lino? Oh, *Eci* ncipego cangu ca Krisimasi. *Eci* ndeelyo Ijwi. Mwami, ikuti Nda konzya buyo kulileka lwangu, ikuti Nda konzya buyo kuligusya lwangu mu nzila kutegwa Ijwi Lyako likonzye ku Li tondezya, Lini kwiinda *awa*, eco—eco nce cintu cipati maningi Nce zyi.

<sup>310</sup> Lino Ndi yeeya kuti bajisi zintu zimwi nzoba yanda kupa bana. Lino Ndila josya kuswaangana ku Mukwesu Neville. Leza amu longezye.

Mukwesu Neville.



*I SAMPU LYA KAAMBO KA IJWI* TNG62-1223  
(The Reproach For The Cause Of The Word)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsono kuseeni, Nalupale 23, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Kuzibya Kwa Nguzu Zyakkopi

Nguzu zyoonse zilitamininidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyabolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)